



Yc 2000 R

8 51 134

Unbekannte, wahrscheinlich erste  
Ausgabe - Die Bibliographen citiren  
Ausg. von 1594, 1601, und o. O. u. J.  
Letztere Ausg. besaß Hayse, die an-  
deren beiden scheinen so wenig, wie  
die vorliegende jemals im Handel  
vorgekommen zu sein.

1898. 2129



# Kunstlike Welt

sproute / darinne aller Stende / Na-  
tur vnde Egeschöp / affgemalet  
syn / Dorch de Olden wolerfaren  
Werltwyse beschreuen / Allen  
Minschen tho der lere vnd  
warringe / Exempel  
vnd Rymwys  
fort vorna-  
tet /  
Ock thom deel  
vth dem

# Leynken Doffe.

Gelick vnde Rechte waret am lengsten /  
Dat maket / men bruket ydt am weynigsten

M. D. L X II





Ol Godt dem Almechtige voro  
truwet/  
Vnde vp syne wege buwet.  
De kan nicht tho schanden wer  
den/  
Wedder dort noch hyr vp Er  
den.

Salich vnd vörsichtich ys de Man/  
De sich in frömden varlicheit spiegeln kan.  
Ein geschot dat men vorhen ersicht/  
Dat schadet weinich effte gar nicht.  
Men Mest so scharp vp Erden schert/  
Alse wenn ein Buur thom Heren wert.  
Wor de Here dem Volcke is tho strenge/  
Densuluen beleuen se nicht yn de lenge.

Groter Heren thosage/ vnd Lercken gesanck/  
Alinger wol vnde wäret nicht land.

Vor wardt vp Erden nu so slecht/  
Gewaldt ginc stedes vor dar recht.  
Vnd hefft de Sundt yu wat gedan/  
So moth he ledder gegeten han.

Döget hefft vörenden Eddel gemacht/  
Izundt deys de Hockfardt vnd de pracht.  
Wol yzundt veel freten vnd supen kan/  
Deys ein rechter Eddelman.

Wol recht einen Man erkennen wil/  
De merke en/ vnd werde syn Nidtgessell.  
Nemandt vp Erden also recht dorth/  
Dat ydt allen Minschen gedüncket syn guds.

Wol sich yzundes dorch Kopenschop wil began/  
De moth vaken syn war/eggent lan.  
Tho dem Markede yderman weinich ghat/  
Dem syn gemöthe nicht na Gewinse stat.  
De Markete wert ock nümmer guds/  
Denn so men den Doren schaden doth.  
Denn wen de Dorn tho Markete don lopen/

EX  
Bibl. Regia  
Berolin.

So können de Kramers balde gelot köpen.

Gedden wy alle einen gelouen/  
Godt vnd dat gemene beste vor ogen.  
Guden freden/ vnd recht gericht/  
Eine Elen/ Mate vnd Gewichte.  
Eine Mante vnd guds Geldt/  
So stände ydt wol yn aller Werlt.

Ein Kramer de nicht gerne lacht/  
Ein Jöde de nemandt bedrucht.  
Ein Water dat ane schade süth/  
Ock ein Wolff de nene Schape tho ryt.  
Vnd ein Wöckener sunder Geldt/  
Dat synt pyff Meerwonder yn der Werlt.

O wo wehe deme ys/  
De vele schuldich ys.  
Vnde hefft nene frist/  
Weth ock nicht wor Geldt ys.

Nydt/ Somodt/ Egen nitt/ vnd bösen rade/  
Jerusalem/ Troja vnd Roma vorstört hat.  
Egen natt/ wreuelich Rade/ vnd vorborgen haddt/  
Vorderuen noch yzundes/ mennige gude Stadt.

My däncket nicht dat veel Lide mögen/  
Vele war vorköpen/ ane grote lögen.  
Denn legen vnd pregen syndt so werdt/  
Tho allem köpende/ men erer begert.

Men sprickt/ dat sy ein salich Man/  
De der Arstede entberen kan.  
Men Arste purgert so gar mit heyl/  
Se nimpt des guden ock ein deyl.  
Doch ein Arste/ de lange hefft practicert/  
Der Kunst vnde främicheit nicht entbert.  
Den söke de Aranke nicht ane nodt/  
Sunder gar metich leenen/ dat ys myn Rade.  
Höde dy vor der Medicorum Recipe/  
Vor der Juristen Codice.

24



Vnde vor der Alchimisten Sublime/ (Ede gehn  
Sonst werstu mit einem leddigen Büdel thom Mars  
Egen nutt vordriffte alle Rechte/  
Alle Frantschop/gesellschaft vnd geslechte.  
Vnd wenn egen nutt nicht wer/  
So were dat Euangelium nemande tho swer.  
De synem Christen de warheit nicht secht/  
Vnde synem prester bihtet vnrecht.  
Vnd ock vnwar secht synem Advocat/  
Wenn he by em socht guden Rade.  
De heft sich suluest allene vor gelagen/  
Vnde sich mit synem schaden bedragen.  
Du schalt mit arbeide na gude streuen/  
Gelick alse woldest du byr ewich leuen.  
Vnd doch stan darbey in steden sorgen/  
Alse scholdestu steruen hude edder morgen.  
So schon is nemandt noch so werdt/  
De dedit maket/dat men syner nicht begert.  
Wo leefft dat de minste ock leuendich sy/  
So is he doch na dem dode/bewantinge sy.  
De is vorwar ein Narre recht/  
De veel vnt oft an sagen lecht.  
Sich suluest grothe moye an deith/  
De eddele tydt darmede henne geith.  
Vnnutte/vnd ock de söget mede/  
Ock maket idt nicht gude sode.  
Des geliken vele hunde/vnde sedar spyl/  
Bringen neen nütte/vnd kosten vyl.  
Vanget he ein Raphon tho eiliker stundt/  
Eft ein Hasen/de steith wol vp ein pundt. etc.  
Vorsonde Vyende schal men schuwen/  
Vnde nicht gründeliken vortruwen.  
Besocht dy Godt ein temlick gelücke/  
So wachte dat dy de gyrycheit nicht drücke.  
Via Risdom yle nicht tho sehr/  
Vp dat sich dat gelücke nicht wedderkehr.

Wenn

Wente ylent ys nicht alletydt guds/  
Vnde maket vaken ein bedroueden modt.  
Ein yder late sich an deme genögen/  
Dat sich tho sinem stare wil rögin.  
Wert he auer dith tho vele begeren/  
So moeth he groth vnd kleen entberen.  
Nemandt weith wor he fründe hat/  
Denn so idt ym an de nodt ghat.  
Alse denn wert de rechte fründt erkant/  
De valsche fründt wyket tho handt.  
Wol einem de vele fründe hat/  
Wee dem/de syn trost vp fründe stat.  
Ein fründt in der nodt/  
Ein fründt in der dādt.  
Vnd ein fründt achter dem rügge/  
Vorwer dat synt dre vaste brügge.  
Gude fründe vnd ein vorsocht Schwerdt/  
Syndt in nōden vele Geldes werdt.  
Wenn du heffst gelücke yn all dyner sake/  
So wachte des vngelückes vp dynem dake.  
Mit listicheit breck dynem viende syne vntruwen/  
Darmit syne böfheit dy nicht bringe yn ruwe.  
Denn dyne vorlust/schade ruwe vnd leydt/  
Bringen dynem Viende süß grote frölichkeit.  
Vor yden was dat ein groth loff vnde Ehr/  
Wol syne Viendt let kamen tho gelyker wehr.  
Izundes wert gelanet vnd gerhömet yn Argen/  
De synen Vyendt kan vnde weth tho bedregen.  
Wol alletydt volget synem egen Gōnet/  
Vnd gndem Rade nicht volget vnd gelōnet.  
De achtet vp gelücke vnd heil gang klein/  
Vnde wert balde syn vorderuent sehen.  
Ein wyß man/fründes radt nicht voracht/  
Wor vele rade synt/ys gelücke vnde macht.  
Wee dem Zeren, welder leuer hat

2 iiij

Etien



Einen Pſper/ alſe einen treuwen Râdt.  
De mehr achtet der Hânde vnde Vögel ſpyl/  
Alſe dat he hebbe gelerder Lâde vil.

Do Roboam nicht volgen wolde/  
Den olden wyſen/ alſe he ſholde.  
Vnde volgede den Narren/do vorlot  
He reyn geſlecht/ vnde bleſſ ein dor.

Dat is ein wyſ vnde verſtendich Man/  
De Fründe vnd fründſchop wol holden kan.

Geldöſte/ Lene/ beide vorghat/  
Treuwe Râdt allrydt yn ehren ſtat.

Wiltu dat dyn anſlaß wol vortghat/  
So holdt en hemlick an dynem Râdt.  
Wol ſynen anſlaß ſynen Vyenden apenbart.  
Erlanger ſelden gude gelücke vnd wolharr.

Gebrauke nicht auerige vnd vnnutte wordt/  
Spotte nicht den einen hyt/ den anderen dort.  
Ydt is nicht ganz ehelick de lûde beſpotten/  
Soldes gehöret Narren tho eoder ſorten.

De de warheit tho ſeggen nicht ſchont/  
De werdt van Gade hynd ewick belohnt.

De hilligen Schrifft/ moeth men billick lauen/  
Denn ſe ſchwenet allen Künſten bouen.  
Wenthe alle andere Künſte gebredlick ſynt/  
Dorch deſſe werden wy Gades kindr.

Two ogen/twe oren/vnde einen mundt/  
Hefft de Miñſche dat em ſy kundt.  
Wat he hort/vnde wat he ſich klâr/  
Dat he dat alle nâch ſprecke apenbar.

Ys ydt nicht ein wunderlick dinc voran/  
Dat de warheit nergen blyuen kan.  
Wol de warheit ſecht/ de hefft nâchtes darvon/  
Denn nydt vnde hârth/dar ys ſyn iohn.

Wol nu de gründlike warheit wil vören/  
Vnde de Werlt mit der warheit vören.

De kumpt yn angſt/ yamer vnd nodt/  
Modt ock endtlick darummeliden den dodt. 235

Dat ys vorwar ein vorſtendich man/  
De ſyner tungen wol ſchonen kan.  
Vele beter is lwyden/vnd gude gedanken/  
Alſe mit ſpreken/einen angeren frendkens.

Sprecke ick de warheit allerydt.  
So hedde ick mennigen wedderſtrydt.  
Darumm moeth ick vaken radſlagen/  
Wenn ick wil de warheit ſagen.

Weme benöget an deme dat he hat/  
De ys rike genoch/wo ydt em ock ghat.

Welckx nicht vorderben wil/  
De höde ſich vor lögen vnde ſpel.  
Vorkauſſen vnde Börgerschaſt/  
Vor Winen vnde böſer Gefelſchaſt.

Ich werth eyn frudt/dat heth mala Mulier/  
Dar höde dy vor prudenter.

Grothen Heren vnde ſchönen Frauen.  
Schal men veel denen vnde weinich treuwen.

De dat hefft eine frouwe iunc van yaren.  
Da lathe ſe nicht vaken vthmeyen varen.  
Ys ſe ſchön vnde der Werlt wol werdt/  
Ja men nâch Man ſe denn ock begert.

Dem ſulnen Manne/rade ick ock ynt beſte/  
He neme nicht ynt Zuß vele der Geſte.  
Tüchtige ehr frucht balde ein wandel/  
De werlt ys nu vull van ſoldem handel.

We leeft hefft wat he leuen ſchal/  
Deme ys mit cinem Ehwye wol.  
Wenthe nemandt drecht ſo hogen mode/  
Eyn wyſ giſt em fyues vnde haders genoch.

Wiltu ychtes wat vorſchwegen hebben/  
So ſchaltu ydt einer frouwen ſeggen.  
Do ys ydt ſo wol vorſlaten/



Also heddestu Water in ein Seue gegathen  
 Wer da bulet mit schönen Frouwen/  
 De werde nicht vel stene Häuser buwen.  
 Ein Buler vnd eyn Queter/  
 Synt beide des Dāuels Merteler.  
 Ein frame Frouwe ys veler ehren werdt/  
 Dar se gheyt all vinnē den herdt.  
 Ein Erbar Frouwe/ys van seden schon/  
 Ein Erbar Frouwe/ys eres Mannes Fron.  
 Vnd eine Frouwe eddel van naturen/  
 Ir pryß schal syn bawen alle Figuren.  
 Eine Frouwe ick nicht sehr lauen kan/  
 De vngerne ys by erem Man.  
 Van velen andern wil wesen gesehen/  
 Drecht vele gesincke groth vnd fleen.  
 Mydet er Fuß/heft des klene acht/  
 Desse heft ehr vnd tucht/in kleiner wacht.  
 De nicht wel hebben syne Frouwen allene/  
 Dem geschōch recht/dar se werde gemene.  
 De mit synem Wyue/alleydt vele kynet/  
 Vnde nicht gerne yn synem Ruse blynet.  
 Vnd nimpt vele Geste yn syn Fuß/  
 Den bydt vaken eine frōmde Fuß/etc.  
 Frouwen de des nachts vp der straten ghan/  
 Vnde dat vōffrinck vinnē den vinger slan.  
 Vnd de vele dāngen vnd drincken/  
 De laten den Hundt gerne hincken.  
 Men sehe sich vōr/ mit grotem flyte/  
 Dar sich nen Minsche an dem beschlyte.  
 De nictes den hōnen vnd spotten kan/  
 Vnd wil vereren einen yderman.  
 Denn solcke lose lāde weten nicht/  
 Also grooffheit/wo man an en sicht.  
 Leue hyr yn gedult vp Erden/  
 Denn dy mach nictes mehr werden.  
 Also erhen vnd drincken/vade ock gewandt/

Vnd

Vnd wadt du hefft van Godt erkant.  
 Men kan seldom in ketter wylē/  
 Mit Gade recht/groth gude crylen.  
 Drinck vnd eth/Gode nicht vorgeth.  
 Bewar dyne ehr/ Dy wert nicht mehr.  
 Denn vinnē vnde an/ Vnd balde daruan.  
 Eth vnd drinck/vnd hebbe vor gude/  
 Denn tydelick vorderuent weede dōth.  
 Du kanst einen penninck so balde sparen schyr/  
 Also gewinnen / dar geloue du myr.  
 Ydt ys witlick vnd ganz apenbar/  
 De bösen wercke maken dar klar.  
 Dat de truwe van der werlt geweken sy/  
 Rechtferdicheit waent er nicht mehr by.  
 So ys dewarheit ock nicht by er/  
 De Geloue ys ock voruelscher gar.  
 De framicheit heft by er nen stat/  
 Vntruwe se ganz beseten hat.  
 Wol stedes vnde allet ydt licht/  
 Vnd ane vnderlat de Lāde bedrucht.  
 So dat em nemant mehr gelouet/  
 De ys syner ehr ganz berouet.  
 Wor ick vormetich des Wolues nydet/  
 Dar wil ick my hōden mit flyth.  
 Dat he my lichtlick nicht vorwunde/  
 Denn syne thenen byten deep tho grunde.  
 Wo wol eyner der kunst ys vol/  
 So schal he sich doch vorsehen wol.  
 Dat he nicht erlange eynen slappen/  
 Vnd bekame dārtho eine Narren kappen.  
 Ein wol bewandert Wyff/  
 Ein perdt dat vp dem Raden ys styff.  
 Ein Anecht de veel heren heft gehet/  
 Darup henge nemandt synen Schadt.  
 Leue maket Lepel ane holdt/  
 Vth mennigem yungen Gesellen stolt.

De



De syne lügen mit einem Edebeueß /  
Is e in vnrruwe Man erst vnd leß.

Wol dar lauet der Snyggen springent /  
Vnde des Wels vthbändige singent.  
De quam nicht dar de Leopardt sprand /  
Noch dar de Nachttegal sandt.

Wol vp der Brüggen sprengent /  
Vnde sich mit Horen behenget /  
Ock vp dem pflaster rendt.

De bliff eyn Narr berh an syn ent.

Dem syn herte ys mit nyte vorwundet /  
De ys ein Narre tho aller stundt.  
Vnd ys des hettischen Däuels geslecht /  
De alletydt yegen de guden vecht.

Wor Herr Nydhart gheit yn den Räd /  
Vngunst vnde hädte gerne mede ghät.  
Men vyndt groten nyd yn allem Stath /  
Darumme ydt an velen öden suel ghät.

Ein Ebreker moth desse veer straffen stan /

1. Also dat he werde in armode vorgan.
2. Efft he werde böses dodes steruen.
3. Vnd schande vnd laster vp sich eruen.
3. Weder dorch gefencknisse hardt vnd swar /  
Werdt he ehr vnd truwloß erkant apenbar.
4. Efft he werdt vorwundet berh yn den doot /  
Vnd vorliff eyn ledemate yn smerte groth.

De enderlike Kunst der Alchimye /  
Is kelen / legen / vnd bedregerye.  
Vnde alletydt feylt ydt vmine eyn hāt /  
Dewyle du vplechst dat Säluer dar.  
Thom lesten ys des Meisters gelücke /  
Ja dat em entbrecht ein stücke.  
Sölkes moth he halen auer veldt /  
Darmit so giffi he dy Verffen geldt.  
Dartho ys desse Kunst ganz geiruwe /  
Orh gudem Säluer maket se ruwe.

Mer

Merck e/effte du ock wißlich hapen bist /  
Vp gelücke dat nüherte geraden ys.  
Vnd effte du geldueß der warheit gelyck /  
Dar dy ein armer schalck maken ryck.

Wes stedes bereydt mit grothem flyth /  
Nye rydinge tho bringen alletydt.  
Ock mit ogendenste/ vnde vedderlesen /  
So kanstu lange yn dem denste genesen.

Kostede yeder lügen ein Lobsay pundt /  
Men löge nicht so flytich tho aller stundt.

Wol heimlichkeit nicht swygen kan /  
Vnd mit bedregerye plecht vmine thoghan.  
Swaget ock stedes veel / als ein Doer /  
Dar höde sich ein ytlich wyß Man vor.

Darumme hebbe ick de Rechte studert /  
Dat ick yn schalckheit wörde genöert.  
Veel böser saken ym Rechte ick sinücke /  
Vortögeringe ys vaken myn meysterstücke.  
Vp twist vnd hader / streich myn rade /  
Wor men my geldt tho geuen hat.

De Jurste mit synem Bocke /  
De Jöde mit synem gesocke /  
Vnde dar vnder der Maget vordocke /  
Desuluen dee gescherre /  
Maken de ganze Werlt erre.

Men höldt nu groffheit vor gude sede /  
Vnd Her Plump wānt yn den Heren häse mede.  
Nicht veel vornufft / men datsulueß drynet /  
Wowol men van Tucht vell redt vnde schrynet.

Welcker Herr gern wyse Lude by sich sicht /  
Wenn he erer bedarf vnd anders nicht.  
Densuluen schal men ock allene lan /  
Wenn he se wolde gerne by sich han.

Institis ys geslagen doot /  
Veritas licht yn groter noot.  
Sallacia ys gebaren.

ides



Sides hefft den frydt vorlaren;

Darumme sich vor dick /

Denn de truwe ys mislick etc.

Mennich meinth dat he erkenne mick /

De doch nâwerle suluest erkende sich.

Erkende sich suluest ein ysslick Man /

Se belöge nicht einen andern mit argwahn.

Do Adam rade de / vnde Eua span /

Wol was do ein Edelman?

(den)

De Vörspraken können de saken wythvthbrece

Vnd ere nette / na dem wildtbrade / spreiden.

Se maken de saken strypt vnd bundt /

Vnd wegen vth dem Lode ein pundt.

Se können de saken / na vordere wol klauen /

Vnd ere Schuetlûde / mit valschen gelâfften huuen.

Sölder advocaten van dubbelden synnen /

Moth men noch verne her gewinnen.

Se können swatzen sehr behende /

Vnde hefft doch vaken ein bescheren ende.

Se gebreken ere rungen tho degen /

Darmit se vaken den Richter bedregen.

Wenn den schal wegen / de rechte wage /

So wert dat gesetset yn lange dage.

Darmit de Rechtferdicheit wert geblendt /

Vnde mennich arm Man also geschendt.

De mehr vorfaret / vordaget vnde vortert /

Alse de ganze Schuetfâke ys gewerd / etc.

De vnrecht vor recht wil gehalten han /

De moth vor Godt thom Gerichte stan.

Hyx na an dem Jüngesten dage /

Mit wemode vnd yamerliker klage.

Vor ys tho beklagen vast vnde sehr /

Dat hyr de frame hefft weinich ehr.

Dat ock dorch lösen / Sünde vnd schandt /

Veel Lodel vnd gudt werden genandt.

Wol rechte lene tho Gade hat /

Nimpt

Nimpt men selden yn Jörken radet.

Denn selden ys tho hanc bleuen /

De einfoldich ys / vnde nicht dorchdrenen.

Dat is ein Narre yn lyff vnde blodt /

De einem armen minschen vnrecht doth.

Se buwet vorwar vp dat lose yß /

De sich suluest achtet recht vnd wyß.

Groth lauet vnde spricht syn mundt /

Sölder wörde ghan vele vp ein Schippundt.

Geduld in nöden schal men prysen /

Den duldich wesen / leren vns de wysen.

Wil dy döden der sorgen Swerd /

So lath geduld wesen dynes herten werdt.

De einem ydern de wulle kan vnderstrouwen /

Vnd den Weldigen de negel flouwen.

Vnd kan spreken / dat ein yder hört gern.

De moth smetichelen na vnd vern.

Ein valsch Man syne kleder vorfert /

Alse em dat Wedder vnd Windt lehrt.

Bessytige dy men aller bösen stücke /

So werdt dy gûnstich syn dat gelücke.

Vnde werst gehalten leeff vnd werdt /

Vat kômptu balde neger by den herdt.

Recht ordelen steyt einem Wyfen wol /

Ein Richter nemande kennen schal.

Susannen Richters noch vele synt /

Wenn Râde vnde Gerichte wil wesen blindt.

Vnd egen willen wil dryuen vnd gewaldt /

So ys de Rechtferdicheit vast koldt.

De Swerde synt rûsterich all beyde /

Vnde willen nûmer recht vth der scheyde.

Vnd nicht mehr schnyden / dat dat is noot /

De Rechtferdicheit ys blindt vnd doot.

Alle dinc ys vnderdan dem gelde /

De geldt hefft / frydt ock wol welde /

Dat is ny worden sehr gemeine /

Wien



Men vyndet der stede mehr dan eine.  
Zar men handt smeringe gern vpmemet.  
Vnd dartho veel deitb / dat sich nicht en temet.  
Geldt / nydt / Fründtschop / Gewaldr vnd gunst /  
Thobrefen nu / Recht / Breue / Segel vnd kunst.  
Hedde ick gelt na mynem willen /  
So wolde ick den Papsi vnd Türcken stillen.  
Vnd dem Keyser schlafen bym Wyue /  
Wolde lyf ewol in lande blyuen.

Herr Genert vnd Herr Söte wordt /  
De bringen ygt vele dinge vorr.  
Erlücke können nu slypen vnd wenden /  
Vnd hebben dat spyl yn beyden henden.  
De Sünde kan nemandt vorgeuen /  
Denn Godt allein / dat merckt gar euen.  
Ein Richter de gaue ni apt / ys nicht freye /  
Schende tho nemen maect vorrederye.  
Wol de gauen beleuet / vnd gern behaldr /  
De kumpt vaken vmme syne gewaldr.

Dat pawesidom ys der laster so vol /  
Dar ydr nemandt beschreuen mach gang wol.  
Welck er ock hefft vorfort de gangen welt /  
Vnd Christi lydent vorkofft vmme gelt.  
De pawest geist gebruket veel der list /  
Vnde alle dinct vp gyricheit thogerüst.  
He hefft ock vele Seelen yn der Helle /  
Mit Afflate bracht tho vngewalle.

Dat gelt hefft nu den högsten grädt /  
Alle kunst / ehr vnde wysheit / ys nu vorsinädr.  
Gantz selgen wert nu na dem gelde gestelt /  
Alle böshheit ys nu tho hope vmme gelt.  
Alse woker / mordt vnd mennigerley schande /  
Ock des geliken der vorrederye der Lande / etc.

De werlt fruchtet des pawestes Bann /  
Vnd gelouet he sy de hilligste Man.  
Wowol doch all syn Bann vnd floed /

Is gelick einer olden bescheten Broeck /  
Dat weth he ock suluest wol vorwar /  
Dennoch wor soldes nicht ys apenbar.  
Dar giff he de Broeck tho rüssen hen /  
Vnd sterck er den Narren eren sinn.  
Darnör nimpt he er gude vnd gelde /  
Vnd bliffet ein Herr vnd Godt der Werlt.

Desse Kappe zyret my mynen balch /  
Dat ick darmede bedeck mynen schalck.  
Vnd mennigem yn dem hilligen schyne /  
Bedrege dat he my giff dat syne.  
Besunderlick yn der lesten nodt /  
Wat he mit vnrechte gewonnen hat.  
Vnde doch den rechten Eruen weth /  
Vth gunste / ick velen rade vnd heth.  
Dat ick weth / böse vnde sunderlick syn /  
Ick locke tho my de Fröuwlin syn.  
Achte mehr wat yn ber Werlt geschicht /  
Alse myner Regeln hogeplicht.  
Denn wowol ick Godt ergeben bin /  
So steith doch yn de Werlt all myn sinn.

Wol yzundes mit der werlt wil genesen /  
De moeth somtydes ein wyl ein Narre wesen.  
Wenn einer synet egen Sünde neme war /  
De vorschwege ock eines andern lichtlick gar.  
Der Mönnicke wolde ick gerne einer syn /  
De vor dat Water drincken guden Wyn.  
Dangen / singen vnde springen /  
Ock mit schönen Frouwen ringen.

Were dat der Carthusier Orden /  
So were ick vorlengst ein Mönnick worden.  
Wol dar wil hebben ein reine Huz /  
De late Mönnicke vnde papen daruth.  
Denn Mönnicke / Mäse / Motten vnd Maden /  
Scheden selden ane groten schaden.

Mit den Geistliken / vnd mit bösen Wyuen /



Schal nemandt balde Scheldt wordt dryuen:

Junge Papen/olde Apen/vnd wilde Beren/  
Schal nemandt yn syn Ruff begeren.

Do vorhen de wercke/darna so lehr/

Multu by Gade hebben loff vnd ehr.

De vns gude euenbilde scholden geuen/

Der vernelicken ere lehr/dorch er leuen.

Ein yeder Christen volget veel mehr/

Eines guden framen predikers lehr

Den andern twöluen/de vast wol leren/

Vnd doch ere werck/doch ere wordt vorkeren/

Wenn de Leyen van Papen vntucht sehen/

So spreken se denn ynt gemen.

Is dith nicht ein Geistlick Man?

Wo sint he synen Orden an.

Wor de Abbet de wörpel drecht/

Dar mögen de Bröder spelen mit recht:

De der Gemeinheit deent/

Größen vnd Heren syn Geldt lent.

Dar tho veel väre wil böthen/

De moth lyden sur vnd sote.

De olden gewänne synt nu vorkert/

De gröschten Deue men meist ehrt.

De nu mit Practiken heimlick kan stelen/

Dem deirh men de gröschten Ampte beuelen:

Achte nicht groth der bösen regenten pracht/

Den ernstlick straffer Godt ere macht.

Wenn se nu kamen vor syn Gericht/

Dar men rechtferdige dedel spricht.

Denn alle guds vnd quädt/hefft syn lohn/

Nichtes vnuorgulden bliffte beston/etc.

De Werlt wil nemande lauen/

Selönne den wöten vnde hanen.

Wol Rouen/frygen vnde brandes begert/

Vntuue vnde mordt de ys yzundt werdt:

Der werlt loff nemandt genglick hat/

Suna

Sunder de vele böser wercke beghat:

Mennich synen Söne van sich sendet/

Vnd meint/ydt sy ganz wol bewendet.

Se meint he schal döget leren/

So kan he nicht den geldt vorteren.

Vnd kumpt tho Ruffs arger Doer/

Alse he was/do he ersten vthfoer.

Godt de HErr giff vns ynt gemeyn/

Alle guds/ya groth vnd Klein.

Se ys ein Narre de dyth vorgeth/

Wenn he tho Dische sich hefft geseth:

Gade denne sus dancet nicht/

De mach wol syn ein armer wicht.

Nicht ersten de spys benedyet/

So ein Swyn sich thor steterye flyet.

Gade gehört erst dancnamichheit vor/

Deistu ydt nicht du bist ein Dor.

Les ein pater noster/kanstu nicht mehr/

Wente alle guds giff vns Godt de HErr.

Dancestu ein nicht hyrumme mit flyth/

Se vorgyth dy wedder ein ander tydt.

Se ys vorwar ein salich Man/

De yzundt ane spott leuen kan.

Mit spotte menniger vmmegehyt vnde leuet/

De yn grottem spotte suluest vaste fleuet.

Nemandt synen Negsten so leeff hat/

Alse yn dem Gesette geschreuen stat.

Wol dar falschlick bichten doth/

Des vorgeninge wert selden guds.

Alle vorgeninge licht ganz dar neder/

Men beter sich den/vnde kere wedder.

Dyne sakefete nicht vp idelike gelucke/

Denn ydt hefft sich vieler böser nücke.

Blyfft nimmer mehr yn einem bestandt/

Vnde daruime wert ydt gelücke genandt.

D

Men



Men sprekt/dem sy gelicke bescheert/  
Dem wat wolgefelliges wedderfert.  
Dar vngewisslick kumpt vnde steyt/  
Vnd als ein snelle radr ommegeyt.  
De syne Kinder alse ander vntudt/  
Leth vp wassen vnd quāt van en suth.  
Darumme nicht straffer / vnd se duel vpruth.  
Int leste Deinselnen nein gudt geschith.  
Egen loss stincker / ys scheldens werdt /  
Vnd ys nen böser dinc vp disser erde.  
Wol veel fraget na nyen mern /  
De schwarzer vele / vnd licht gern.  
Solcke vnnütze lade schaltu vormyden /  
Wiltu nicht vallen ynr groth lyden.  
Billck de yenne nene geselschap hat /  
Dem alle syne sinne na bedtegen stat.  
Wol dar söter argelick vnd böse reucke /  
Des herte steckt vull arger sinnecke.  
Selden wert synes lydens rader /  
De ein böse wyff genamen hat.  
Wente nū nen deerte erger wardt /  
Alse ein wyff van böser arth.  
Dem auerst ein gudt wyff wert bescheert /  
Wot de ym Lande vmmher seht.  
De moth syn ein gar salich Man /  
Wente se mit eren tichten fan.  
Vormehren erer beyder salichheit /  
Vnde ys eine Kone der werdichheit.  
Selden wedderaret dersuluen leydt /  
Welcker erem Manne gerne vordrecht.  
Wd schal de Man erer warnen in schonel /  
So giff en beyde Godt tho lone.  
Dar se mit fröuwden hyr olden /  
Vnd Lyff vnd Seele namals beholden.  
De sich ersten bedencket na der dādt /  
Syn anslach tilumpt gemeinlick tho spādt.

Gudt anslege / synt alle tydt gudt /  
Wol ein de se by tyden dorth.  
Wee yummer wee / einem solden Man /  
De synen wyue de herschoppye gan.  
Darumme / wiltu wol faren an dar ende /  
So gyff nenein wyue dat Regimente.  
Ick wolt gern weten / wo de here /  
De sich van Fronwen nicht narren lethe.  
Darumme ick ock gern weten wolde /  
Vormeldeter ick my hōden scholde.  
Doch mercke mit Forten worden /  
Dat du dy wachrest an allen orden.  
Volschap ys ein farende hab /  
Hāden leeff / morgen schebab.  
Leue ys ledes anesant /  
Vot geschē nu bald edder auct land.  
Worick men henne kam /  
Dar synt de Horen alle fram.

### D. Sebast. Brant spricht.

**M**ercket vp gy Richters aller Erden /  
Wenn wille gy doch wirtich werden?  
Den rechten Borne na gedeken /  
Vnd nicht yn yuwen gedanken schwencken.  
Mene gy / dat de rechte xp bōmen /  
Gewassen synt / edder van drōmen?  
Dat men ock nicht moth hebben acht /  
Wat vnse olden hebben bedacht.  
Dat recht ys van Gade vnde den Olden /  
Alles gesetct / vnde also gehalten.  
Denn den Lāden / Ehre vnd Landt /  
Vnd alle Ryke beseten mit der handt.  
Dat men mit forme gestalt vnd mathe /  
Ys geblenen / vp der rechten strate.  
Dar ys eine mathe / form vnd gestalt /  
Wo gy yuw yn yeder saken holden scholt.



Wol enger edder wyder ghat/  
Desulue dem Rechte nicht bystat.  
Wol rechte ordel spreken wil/  
Schal sich suluest nicht truwen tho vil.  
Göken Radt/vnde volgen den wysen/  
So mach men syne framicheit preysen.  
Wor auerst dat Recht wert vorkert/  
Werden oft Lande vnde Lāde vorstört.  
Hydt vnd gyrticheit richten dar ere schragen/  
Trachten wo ein yeder vülle synen fragen. 145.  
Deschande schölen straffen vñ doch suluen don/  
Mercke recht/nicht gude wert syn er lohn.  
Ein Kreye badet sich vaken / mit allem flyth.  
Vnd kan nimmer werden wirt.  
Ygundes wert geachtet vor grothe ecre/  
Wen de Döchtters wol danczen leren.  
Mit sunderlikem trede/krum vnd recht/  
Van dessen Esatas de prophete veel secht.  
Wor vntüchtich danczent vnde högent ys /  
Dar ys des Düuels processie gewijs.  
Ich hebbenen geldr vnd bin nicht schönec/  
Synt dat nicht groter mangel twene.  
Ganz Elendt bin ich/  
Nemandt wil mich /  
Wens erbarmet de tröste mich.  
Megdelin wo deystu/  
Schiltet men dy/so stöckestu /  
Schleit men dy/so deith dir wehe/  
Herzt men dich/so wultu ydt ymuer mehr.  
Wat dy gelauen Jundfrouwen /  
Schaltu nicht tho vaste vp buwen.  
Den wat se dy ygundt geredet han /  
Kumpt ein Kyßer/so mostu darnan.  
Wor gewaldr gheyt bauen recht/  
Dar wolt ich leuer Herr syn alse knecht.  
Vnrecht/gewaldr/nympt bösen naklap/ So

So geschach Jesabel/vnde erem manne Achab.  
Yst schon ein Herr/sus hefft nene Dyende/  
Noth he sich befrüchten mit synem gesinde.  
Dar vntruwe manck ys/vaken vnd veel /  
So geschach Amon/dem Köninc Israel.  
De van synem Gesinde/wardt vorlagen /  
Do he noch was yn synen yungen dagen.  
Van dessen möchte ich wal reden vele/  
Sambri ys vāste mede ym spele.  
Alexander all de Werlt mechtich bedwand /  
Syn denex dödede en mit einem dranc.  
Darius entran/vnd was ane nodt /  
Bessus syn egen Dener stact en dodt.  
Wo de wulff thom Her den wert.  
Dar synt de Schape gar balde vorterr.  
Vorhen bedacht wat na mach kamen/  
Dat bringet vaken groten frame.  
Vorhen vnbedacht/vnd na gepröuet /  
Hefft vaken mannigen man bedröuet.  
Mennich lauet ein frömdes swerdt/  
Hedde he ydt/ydt were ein ganz vnwerdt.  
Men lauet na dem Dode mennigen Man /  
De vp Erden nāwerle loff gewan.  
Nemandt schal sich berhömen/  
Dat syn Garde sta vul Blomen.  
De windt kumpt yn einer nacht /  
Vnde sleyth de samptlick aff.  
Ein yselick man wil gern gelanet syn/  
Wente schelden bringer vns alle pyn.  
Judas küß ys ygundes worden nye /  
Ock gude wordr vnd falsche trüwe.  
Einer lachet my tho/vnd giffet my hin/  
Dat ys nu deser Werlt sinn.  
Wol einem vnschuldigen gewaldr doth/  
De hefft einen bösen Tyrannischen modt.  
Nen frām man vormenge sich / Tho



Tho bösen Liden/dat rade ic.  
Ein yeder meint ydt ganz frey/  
Tho gebrucken list vnd böuerie.  
In allen handeln/ groth vnd klein/  
Vnde willen doch darvan gerhōmet syn.  
De werlt vull lögen vnd valscheit stāt/  
Allen Geisten tho gelöuen/ys nen rādr.  
Jor ys nicht löfflick / wen men einem belachet/  
Dartho bedrückt vnd em Esels oren machet.  
Men sprickt ein gemene Sprickwordt/  
Dat mennich vaken hefft gehört.  
Gha hen na Rome ein stām man/  
Vnd kum ein Tequam wedder vā dan.  
Wenn krum gewassen holdt wert slecht/  
So wert ock tho Rome gefunden recht.  
Papen/ vnd ander Geislike Orden/  
Se synt yzundt gar tho spotte worden.  
Sorch ere böse argerlike leuendr/  
Darmit se den Liden quade exempel geuen.  
Wor de Papen raden/  
Se Landts knechte sieden vnd braden/  
Se wyner hebben de auerhandt/  
Dar vorderst/ Sörp/ Stedt/ Lide vnd Landt.  
Schwygent vnd dencken/  
Sat kan nemande krencken.  
Is dat vor truren guds/  
So hebbe ic vaken ein guden modt.  
Wol van böser dādt thom begert/  
Se ys eines stolten Narren werdt.  
Man wecht ydt by haue gang geringe/  
Dat einer dem andern deith vnrechte dinge.  
Darmit wert doch de Erbarkeit vorblendt/  
Se vorreders werden fundtschōppers genent.  
Vnd kan nicht syn ein recht gericht/  
Dar de peninnet dat ordel sprickt.  
Grauer ock ryth nicht/

Heren

Heren hülde eruet nicht.  
Gene lange vnd esche nicht/  
So vorlūstu dynes Heren hülde nicht.  
Gades guade ys gemeine/  
Vnd nicht an einem orde alleine.  
Wol Godt anbedet vth rechtem Geist/  
Se wert erhört an alder meist.  
Egen nāte/vorwiltte/vnd lange wyle/  
Maken den loep auer vele myle/ etc.  
Bröderlike leue ys nu dode vnd blindt/  
De minschen mit bedreygete vorworren synt.  
Ytlick schaffet syn egen vordel ane vorlust/  
Vnd scholden ock hundred vorderuen sust.  
Niene arbeit sath men mehr an/  
Men leth ydt auer de armen ghan/ ect. C.  
De dar schiney chelen vnd plumenstricken kan/  
Vnd mit dem valen perde vinneghan.  
De wert tho haue wol geehet/  
Erbarkeit men dar nicht begert.  
Dat sal men recht also vorstan/  
By haue ys ock mennich stām man.  
Men de werden so nicht vorgetogen/  
Alse de mit dem valen perde plōgen.  
De können de wulle vnderstrouwen/  
Vnde den Heren de negele flouwen.  
Synt ock menniges heimlike Vyende/  
Vnd schicken den hoyken na dem winde.  
De valschen wil Godt van sich drinen/  
Auerst de warheit schal by em ewich bliuen.  
Achab leth nicht genōgen sich/  
An synem gangen Rōnind ryck.  
He wolde ock Naboths Garden han/  
Darumme inoste steruen de stame man.  
Allene de arme moth yn den sack/  
Wat gelt giff/hefft einen guden smack.  
Mit den armen wert dat Recht gestercket/



Vp der Ryken bröke/wert nicht gemerckets

Mennich lauer veel vnd groth gude/  
Syn geloue wecht nouwe ein halff lodt.  
Wenn he menet de truweste tho syn/  
So wecht syne truwe nicht ein halff quentins  
Dar ys nen swärer dinc vp Erden/  
Den so de Wyuers' meisters werden.

Wat se vörnemen dat moth syn/  
Slöge ock de Donner vnd de Blixem dar yn.  
So ydt ock schade dre Köninckrick/  
Noch moth er wille gescheen gelyck.  
Vnd dennoch wil se meister syn/  
Scholde ock tho rügge mören lopen de Ryne

Wol einem gemenen Wyne vortruwer/  
Des gelyken vp ein foldt ys buwet.  
Vnd einem Schotten Papen gelouet/  
De ys syner vyff sinne berouet.

Wol mit Kryges liden wil ehr eryagen/  
De moth wol betalen/vnd flux se plagen.  
Einem yzliken ane vortoch/don gudt recht/  
Se sy Ryke/Arm/Kidder edder Anecht.  
Darmit se yn guder Fründtschop blyuen/  
Vnd dy helpen dyne Fründe vordryuen.

Ein Landtsknecht vnd ein Becker swyn/  
Schölen alltydt vull syn.

Denn se können de tydt nicht vthreken/  
Wenn men se wert dodt stecken.

Hasen lunge/ Karpen tung/ vnd Baruen mül/  
Hefft vortert myn Geldt vnd Gölchen. (hen.  
Distel vnd Dörne stecken sehr/

Auerst valsche tungen noch veel mehr.  
Noch wolt ick leuer yn dyssel vnd dörne baden/  
Alse mit valschen tungen syn beladen.

Junge Geselle sue vor dick/  
De Juncfrouwen synt bedriechlick.  
Gesynt vth slanderen/

Vnd

Vnd genen einen vm den anderen.

Wo vele ein yeder hefft Säluer effte Goldt/  
So veel ys em ock yzunds de Werlt holdt.  
Wer Salomon noch yn dem leuen/  
Dem Godt vel wyßheit hadde gegeuen.  
Bedde he nen Geldtes/ t Goldt/  
De Werlt wer em nimmer holdt.

Wol Vöffe mit Vöffen vangen wil/  
De moth geluckes hebben mehr alse tho vil.  
Schlage Hagel mit schmerzen/  
Alles valsche herten.

De mit ydel vntuue scherren.

Dith ys etlikes Adels gröfste döget/  
Dat se slömen vnd domen vp van yögte  
Vnd thoschneden kleder an dragen/  
Dach vnd nacht na Horerye yagen.

Barde hebben landt gelick den Ezegen/  
Kauke vp den henden dragen.  
Jagen/ spelen/ wol leuen/ vnd brassen/  
Leddich vnde stolt ghan vp der gassen

Stedes handeln widder Gades geheet/  
Leuen van der armen Lide sweeth.  
Dith alles synt etliques Adels reken/  
Drincken/dat se sick mögen besicken

Menen/dat se dartho syn gebaren/  
Dat dorch se veel wyne werde vorlart/ etc.  
Fründtschop gheit vor alle dinc/

Dat straffe ick sprack de pennick.  
Denn wor ick keert vnde wende/

Dar hefft de Fründtschop ein ende.  
Wol yn syn egen herte sich/

Deredet van nemande quades nicht.  
An sick suluest/vynder ein yderman/

Gebrecks genoch/wol jdt mercken kan.  
Dorch dre dinge/werdt de Erdebewagen/

C

Dat



Dat veerde kan se nicht voordragen:  
Dorch den Knecht/ de dat regerende ys/  
Dorch einen Narren/de geuillet ys.  
Dorch ein böse hetisch wyff vnd vnrecht/  
Wee dem/de sodane ktycht tho Eht.  
Dorch eine Magedt/de ere Frouwen eruet/  
Dorch solcke veer stücke mennich vorderuet.  
De Frouwen synt alse geschreuen steith/  
Klene gude höderinne der heimlichkeit.  
Wyschölen van den Poggen leren/  
Wenn wy hebben einen guden Heren.  
Dat wy den suluen nicht vorachten/  
Vnd na einem strengern trachten.  
Denn wenn wy solcken anerkamen/  
So deith he vns doch wenich screimen.  
Darumme ys ydt doch eine wunderlike sake/  
Dat wy nicht können hebben gude gemake.  
Ydt ys ein Sprickwort ganz gemein/  
Ior möthen syn ganz starcke bein.  
De gude dage wol können dragen/  
Sith Sprickwort moeth de warheit sagen.  
Darumme moeth ydt ock vaken mislingen/  
Sewyle wy stedes gapen na nyen dingen.  
Beholstu heimlich eit nicht by dy/  
De du heffst geredet yegen my.  
Wat begerstu denn tho swygen van my?  
Dat du nicht kanst vor swygen by dy?  
Van grothem gude/sycht man hoge/  
Van armode werrt men vnsroge.  
Wd hör id van den wysen sagen/  
Dat de Ryken einen hogen modt dragen/  
Wenn de armen truren vnd flagen.  
Hochfart/Säth/Gyrtzeit vnd nydt/  
De holden yzandes vaste eren strydt.  
De Hochfart kan ydt nicht wol vormyden/  
De moeth mennigen haren vnd nyden.

De

De Hochfart/ veel böser sede hat/  
Welcker wysen liden nicht wol anstat.  
Ein man wol de ganzen werlt bedrouede/  
So men synet valschen lögen geldouede.  
Tüchtich syn/ys gar ein eddel döget/  
By Frouwen vnd Mans/older vnde yöget.  
De alle tydt gerne lücht/  
Vnd mit lögen einen bedrucht.  
Syn Huetman ys de böse Geist/  
Vnd bedrucht sich siluest aldermeist.  
Somtydes de eine den andern bedrucht/  
Nchter rügge besucht vnde belücht.  
Vele male yegen eren egen Heren/  
Nen frede/mach by en lange wehren.  
Des kämpf vaken veel an den dach/  
Dat vnder de in schne vorborgen lach.  
In de lenge kan ydt sich nicht erwehren/  
Vntreue/de sleyt eren egen Heren.  
Ist gelt nichts den gelt vnd gude/  
Dat giffet ehr/ gunst vnd hogen modt.  
Ior giffet ock der Fründschop vele/  
Mit dem armen schüt inen thom tele.  
Wortho scholde id vele Böker hebbē bereyt/  
Allhyr de sake vp vele gauen steith/  
Alse ein yeder giffet/dar na ydt gheyt/  
Gauen synt thor gyricht myne meistertücke/  
Sarmit id eere vnd recht vordrücke.  
Wol hyt nicht giffet de licht vp dem tücke/  
Gheyt ydt wol thom ende/so segge van gelücke.  
Wol dar geuangen ys/  
Se keret an/alle syne sinne vnd list.  
Wo dat he leddich werden möge/  
Mit warheit tho seggen/edder mit lögen/  
So dy de kunst wil vorlan/  
So moestu maudern yn ein ander bân.

E g

De



Dat du snelle tho der suluen seist /  
 Gebrukest bedroch vnde vele list.  
 Wo dat de Keyserlike Recht /  
 Uns nagenen vnd achten schlecht.  
 Dat men bedroch mit listen affdringe /  
 Dat men geweldt mit gewalt bedwinge.  
 Dat men einem bedreger mit bedregen /  
 Vnd einem lögener beyegen mit legen etc.  
 Do recht vnd frächte dy dock darby /  
 Frage nicht / efft einem andern beth sy.  
 Dem gelücke volge na / veel nydt vnde hat /  
 Bumpt ydt dy / so swich / rhöme dy nicht dat.  
 Den armen vnd dem gelücke gebryst /  
 Den lathen men blyuen / gelyck wo he ys.  
 Wen iszunt einen framen / syne sake vnslecht /  
 So spreken de andern / em geschree gang recht.  
 Vnd dencken doch nicht de dullen lüde /  
 Em sy morgen als my ys hude.  
 So gheit en auer den buock ein radt /  
 Denn dat gelücke beweget sich fro vnd spadt.  
 Satt snelle vp vnd balde wedder nedder /  
 Regert händen gelücke / morgē vngelücke wedder.  
 Niemandt synen negsten bößlick ordelen schal /  
 Wol dar stheith / de wachte sich / dat he nicht fall.  
 De synt noch nicht all auer den berch /  
 Den yzundt van steden gheit er werck.  
 Na erem sinne vnd vp alle ordt /  
 Ick hebbe van yöget vp gehort.  
 Wenen vpt leste / dat deyt also wee sehr /  
 Alsede gewenet hefft vormals ehr.  
 Darumme darff niemandt spotten myn /  
 Wol werth wol noch de leste wert syn / etc.  
 Mercke alle historien oldt vnd nye /  
 Thom lesten hefft de bößheit Galgen rñwe.  
 Wor de wulff des Gerichts wil plegen /  
 Dar möthyen ander deerte ghan vth den wegen.

Adel / tucht / schöne gestalt vnd yöget /  
 Wyßheit / rikedom / laster vnd döget.  
 De lert de doot alle nicht beston /  
 Na vnsen vordenste kumpt dat lohn.  
 Gewaldr vnd tho richten ick beger /  
 Dat my werde balde myn bödel swer.  
 Vnde dat man köpe dat recht van myr /  
 Na vorbote des geldes steith myn begyr.  
 Darumme fröuwe ick my / der Sünder schar /  
 De ick all yn den büdel straffen dar.

### Warninge an etlike Richters.

Scheme dy / du Köuer vnder dem dake.  
 Rechte kunst vnd wyßheit / ys de sake.  
 Darumme getemet dy geweldt vnd chr /  
 Dynem standt so bönißch nicht vorkehr.  
 Süss als pilatus werstu erkendt /  
 Den men ym hilligen credo nent.  
 Narre / wornp steith dyne thonorsicht /  
 Balde mostu vor dat högste Gericht.  
 Dar wert vorgelyct / na scharper mathe /  
 Alle vnrecht vnd dyne bößheit grote.  
 Regeren schindlick vnd mit willen /  
 Deit vele hates vnd haders stillen.  
 Wol mit dem koppe wil bauen vth /  
 De deit veel schaden vnd richtet nictes vth.  
 Wollande vnd lüde dorch vnrecht drengt /  
 Bauen dem ein schwerdt ym vadem hengt /  
 Vnd steith grothe fahr / wo hoch he ock prengt.  
 Ein herte ym guden vnuortzaget /  
 Dat döget duet vnd dat böse voryaget.  
 Vnd nicht yn snöder hochfart dñuer /  
 Wert vor allen dingen gelauer.  
 Dit ys ein narre / de dar truret all den dach /  
 Vmme ein dinc dat he nicht keren mach.  
 Wol op Erden den lüden allen /



Tho aller tydt/wil wolgenallen.  
 Semoth beide den armen vnd ryken/  
 In demoth fründtlick sich vorgeliken.  
 Mit geduldt lyden/betde böse vnd gude/  
 Vnd yn Gades frichte sich holden yn hude.  
 Men höde sich vor den smeichlern/  
 Se vmmie eres nüttes willen hücheln gern/  
 Wenn se denn eren willen erfüllet han/  
 So sehen se dy vngerne an.  
 Wenn du den wilt ein Traso syn/  
 So vinder sich ock der Gna to syn.  
 Mit der truwe hefft yd gar nen nodt/  
 Genn se ys yn der werlt wol halff dodt.  
 Vnd de ordeninge der rechte/sid ym stoc/  
 Se warheit hefft noch mantel noch rock/ etc.  
 Aröpe ein Schalck yn ein Zabels balck/  
 Dennoch so were he daryn ein schalck.  
 Ich arme Manne/offt heimlick klage/  
 Dat ich nicht werltlick werden möge.  
 Hedde ich genamen einen Man/  
 Also mennige Junckfrouwe hefft gedan.  
 Godt vnd my suluest hedde ich geehret/  
 Vnd ock dartho de werlt voruehret.  
 Sins stecke ich byr yn hate vnd nydt/  
 Mit vngeduldt ich swerlick my lydt.  
 Wowol myn lyham ys ingespert/  
 Dennoch ys myn sinn yn der werlt vorwert.  
 In wyuele steith all myn touersicht/  
 Effr ich Godt gefalle/dat weth ich nicht.  
 Vor der metten/gha wy thom danze/  
 Dem Saniel holde wy Obsernanze.  
 Byr hebbe wy schande/vnde namals de Helle/  
 Vp fleischlike lust/mynen trost ich stelle.  
 Dem wänsche ich ewige nodt vnde quall/  
 Se my hefft gebracht in dessen vall.  
 Ein oldt Zundt tho aller frist/

Recht

Recht bendich böse maken ys/  
 Darumme/wol yn dhageden olden wil/  
 Neue sich yn der söger des guden wil.

Tho Mummerye vnd Vastelauendes vatt/  
 Ock wor men säs gude sede spart.  
 Radetick/geselle/dyn wyff nicht leye/  
 Vnde moth yd so syn/so weß na dar bye.  
 Gedencke/synt de Schape vnde Lemmer dyn/  
 So lath den wulff nenen Zödet syn.  
 Gelbue wor de Boek ein gardener wyrt/  
 De junge Bäume he selden byrt.  
 Vnde wol smeer vor Ratten settet/  
 Wert vaken benasschet vnd vorlettet.  
 Also/wol syn Wyff vnde pert lenet htn/  
 De ys ock ein Roepman ane gewin.

Dorch nidr/häth/vnd mynen modt stolten/  
 Hebbe ich genedert mennigen boltten.

Vnde damit geschaten de warheit/  
 Dat nemandt erlangede recht bescheit.

Men höle my vor främ vnd Edell/  
 Wesseltede drine ich hen vnde wedder.  
 Vnd kan wol hen vnde her wagen/  
 Vnd gelick vp beiden schulden dragen.

Men scholde ich sagen vth dem Lande/  
 De sich berthömen erer egen schande.

Vp böse geselschop hape nicht/dat is myn rade/  
 Den söcke wyken alle/rn helpe nicht in der node.

Wol vth falschen herten gheit thor Bicht/  
 De wert doch recht absolutiert nicht.

Wowol he meint he sey der Sünden gäyd/  
 Ja also de Zundt der sölde/thor meye tydt.

De vast bichtet vnd in sunden bliffet/  
 Godt im nänmer de sünde vorgiffet.

Wol sungen kindern sparet de rind/  
 Der leeuend vinder man selden gind.

Den ein oldt Zundt tho aller frist/

Nicht



Nicht wol bendich tho maken ys.  
Darumme wil gy der Kinder hebben eere/  
By tyden wennet se tho guder lere.  
Do gy dat nicht mit rechter truwe/  
So hebbe gy des hyr vnd namals ruwe.  
Wol bösen Kindern weck erschynt/  
De ys er alder grösste vyendt.

Vnd lachet nu/des he namals weent.  
Wen ein Narre kumpt thor bicht/  
Van sich suluen weth he alles nicht.  
Syner egen vnd ädt sich behömet/  
De andern he richtet vnd vordömet.

Alle schande vnde laster synt yzundt döget/  
Van den olden lehr't sdt de Jöget.  
Vnde wert mit flythe dartho gehalten/  
Dardorch moth de leue vnd truwe vorkolden.  
Den Olden gehöret vornust vnd tucht/  
Daruan nemen de Jungen grothen frucht.

Ein wys Man/schal heimlick dragen/  
Syne armodt/vnd nicht verne klagen.  
Süß flegen syne fründe van em tho handt/  
Sobaldt syn armodt en wert bekant.  
Denn den armen ys nicht beters gegeben/  
Alse gude höpeninge/vnd öuel leenen.  
Wol gebaren ys tho einem haluerlinge.  
De wert nicht ryker twyer penninge.

Getruwer denst ys nu vorlaren/  
Nien spricht Growert/dar hebbe ick anders erfar.  
Dar ick nicht mehr ghan fonde/ (ren.  
Do sloech men my henuth vor de hunde.

Wol yn gunst vnd gnade wil wanen by my/  
De rede stedes/wat my wolgeuellich sy.  
Wente wol by my lauet alle böse dādt/  
De wert de vornemste yn mynem Rādt.  
Sem dener gene ick nicht einen bete/  
De nicht deit/allent wat ick em hete.

Vnd

Vnd wol my secht/der warheit grundt/  
Mynne vngenade de wert em wedder kunds.

Men mercket balde/wol sich suluen lauet/  
Dat he yn narheit/wötet vnde dauet.  
Sich suluest nemandt lauen schal/  
Wer wol deit/de lauet sich suluen wol.

De framicheit kumpt swerlick an ere stadt/  
Dewyle de vntuwe allenthalut besluth den rādt/

Richte dy thom dode/vnd süe vpt endt/  
Jdt ys nicht verne/ydt kumpf behendt.

By Hauē kan ick my tho smeycheln/  
Vnd dat vale perdt hübsch streycheln.  
Soldes deent my tho mynen saken/  
Jck kan valschen crust vnd schimp maken.

Ein Narre de nicht volget truwen rādt/  
Zebbe den schaden wenn ydt em öuel ghat.  
Slöhe/slegen/vnde de dñuelsche nydt/  
De bemöyen den Minschen tho aller tyde.

Wor men vindet vele der blinden Geste/  
Dar ys de mit einem oge de beste.

Eine sachtmödige Tunge/den torne bricht/  
Ein törnich Narre/hastigen spreckt.

Welcher Narre tho torne gern ys bereit/  
Daruth kumpt vaken grote vnsinnicheit.

De torne hindert eines wysen modt/  
Den de törnige weth nicht wat he doth.

Den torne schal men vormyden mit flyth/  
He fortet des Minschen leuent vnd tydt.

De all dat vormeent tho wreken/  
Dat em de läde vnderstan auer tho spreken.

De leuet gang selden ane nydt/  
Vnd dartho ane angeflissen wedderstrydt.

Dat ys ein Narre de mit synem legen/  
De armen Wesen kan bedregen.

Wenn du auerst Läden spotten wult/  
D

So



So dencke ersten an dyne egen schuld.  
Deystu dat nicht so bistu sans lappe/  
Vnd most dragen der Narren kappe.  
O wo steirh wyßheit hinder der döer/  
O wo dringt Rykedom heruör.  
O wo ys Barinherticheit so kranck/  
Wo hefft de Lögen so wyden gantck.  
O wo ys de Kunst so gar vnwerdt/  
Wo groth ys de dorheit auff Erdr.  
O wo vyndet men Meticheit so selden/  
Wo vele deith vällere ygundt gelden.  
O wo hardt moth sich de Gredtsain byrgen/  
Vnd wolßflick ys Morden vnd Krygen.  
Wo gar ys Lebrock mehr nene schandt/  
Wo fleischlick ys de Geistlike standt.  
O wo vngetogen ys ygundt de Jögent/  
O wo gar leeuert dat Older ane Jögent/  
Vnd wo vnuorschaemt ys dat wyßlick bilde/  
Wo ys Manlick person so gar wilde.  
O wo vngerne hört men Gades wordt/  
Wo weinlich leeuert men darna vort.  
Vnd wo ys ygundt alle werlt so gar vorbittert/  
Mit betroge vnd schalckheit obergärdet.  
Einem Christen minschen/nicht wol anstāt/  
Dat he mit Heydenscher Kunst vmmeghāt.  
Eines guden Cristen don vnd laen/  
Schal allthosamende yn Godt staen.  
Allent dat wy ansangen/don vnd leren/  
Schölen wy don ym Namen des H. Eren.  
Nicht spreken/dat ys ein worworpen dach/  
Nicht wol men denne dyen mach.  
So men ein gude werck denn begünde/  
Sunder merket de teken vnd stunde.  
Welcker Christen ein valsche Kunst lehrt/  
Sarmit de rechte Geloue wert vorkert.  
Dem wert ydt gelick alse Saul ghan/

de

De Godt vorleth/vnd reep den Dāuel an.  
Wol Töuerliken dingen gelönet/  
Blifft Gades gnade nicht vnberouet/  
Nicht tröste dy/effte de wordt synt gude/  
De men vnchristlick gebrucken doth.  
Erlanget yemandt darmit wat he wil/  
Dem helper de Dāuel/dorch syn spyl.  
Soldes em van Godt/wert vaken vorgānth/  
Darna volget de sware straffe der Sündt.  
Des noch vele older Exempel synt/  
De man alle yn den Biblia vyndt.

Ydt ys yn dessen beiden auerlast/  
Ein arm Werdt vnd milde Gast.  
Ys de werdt ock vnbescheiden/  
Dat kan lichelick schaden den beiden.  
De synen Diendr bedrogen wil/  
De bruket guder wörde vnd list vyl.  
Vnd holdt sich tho em alse ein Fründt/  
Beth dat he em syn herte hefft vorwundt/  
Vnd gebracht vnder einem guden schyne/  
In angest/nodt/vnd des Dodes pyne.

Vele lauen vnd weinich geuen/  
Dat kumpt einem Narren wol enen.  
Schöne wörde sunder de wercke/  
Synt vnnutte alse ein thabracken karte.

Ich frächte nicht des Manes schyn/  
So my wil de Sunne gnedich syn.  
Wol auerst ane sunne yo moth syn/  
De nimpt vor gude des Manes schyn.

De sich suluest trösten schal/  
Hefft sich balde genoch bedröpet auer all.  
De dar meent/he sy ganz wyß vnd vorhauen/  
Be licht gat depe ym Narrenberge begrauen.  
Wol syner tungen hefft gewaldt/  
De wert mit eeren werden aldt.

R 9

179



Nen Köninc / Fürste / effe Potentate /  
Schal sich vp egen wyßheit vorlathen.  
Ein wyser Here gern by sich hat/  
Gude fründe vnd getruwen Rät.  
Wen Godt wil lerenen/  
Den kan nemandt vorheren.  
Lyde / myde / swyg vnd vordrage /  
Dyne nodt nemandt Alage.  
An Godt dynen Schepper nicht vorzage /  
Denn gelücke kumpt alle dage.  
Wol Gade ym rechten Gelouen vortruwet /  
Nicht vp sinde vnd laster buwet.  
Den leih Godt nicht entlich yn nodt/  
Noch syn Sadt söken dat Brodt.  
Benele dem Heren dyne wege /  
So ghan vort dyne ansege.  
Solde Gesellen beger ich nicht /  
De frölich syn wenn my leidt geschicht.  
Vnd de my suluest nedderdrückt /  
Och nicht ophelpet / so my wes vngelückt.  
Van frandem sade de Minsche wert /  
Syn Moder en yn angeste geberdt.  
Syn leuent ys möye vnd ydel arbeit /  
Ein gewisse dodt ys em bereidt.  
Nen Boem so böse stücht drecht /  
Alse bößhaffrige minschlike geslecht.  
Wo schon de minsche vthwendich ys /  
So ys he doch ynwendich / vull myß.  
Grycheit hefft de werlt bedwungen /  
Dartho ys de wyßheit ganz vordrungen.  
Vnd ys by na ganz vorworden /  
Men kendet nicht mehr der Apostel orden.  
De hadden Gnade leuer denn Geldt /  
Men nu ys solches all vmmе gestelt.  
Den dith ys der werlt gemene lope /  
Gnade vnd Hilff ys vme gele tho kope.

Itz

Igundes vündet men veel junger papen /  
De ein weinich mehr weten alse Apen.  
Van Gades worde se weinich vorstan /  
Vnd nemen dennoch der Seelen forgen.  
Mennigen se mit sich yn erdom bringen /  
Vnd geuen guden Koep yn allen dingen.  
Vnd können also Gades wordt prediceren /  
Wo de Esel kan de Orgeln regeren.  
Wenn de Haer groten hunger lydt /  
Sucht he syne poten tho aller tydt.  
So moth och don der trage Man /  
De nicht wil arbeiden wenn he wol kan.  
Ein wyß man dat gude vthlesen schal /  
Dat argeste kumpt noch alle dage wol.  
Dat ys ein Narre de dat spottet ydermen /  
Vnd such sich suluest nicht ersten an.  
Valscheit vñ vntuue vorreth mennigen man /  
De vntuue suluest nicht myden kan.  
De sich der lögen nicht en schemet /  
De deith vaken dat em nicht temet.  
Wenn men den syner lögen wert enwaet /  
So krycht he thoin lesten ein quadt Jar.  
De nictes tho holden hefft ym mudt /  
De lauert ganz lichtlich groth guds.  
Wol genochsam hefft / vnd nicht mehr begett /  
Desulunge besittet de ganze Erdt.  
Gódet yuw mit flyte vor de Ragen.  
De vor ledten vnd achter fragen.  
De ys ein Narre vnd deit nen gudt /  
De leuet yn hochfart vnd auermodt.  
De ys ein Narre de sich nimpt wes an /  
Dat he doch nicht vullenbringen kan.  
Gy Heren vorlatet juw nicht vp gewaldt /  
Ein Jar ys wartlich balde vmmе getalt.  
Wol rechte leue tho Gade hat /  
Den nimpt men seldom yn der Fürsten Rät.



Et herte swerck yemant bekeret /  
 So siet er gude vnd eere vormehret /  
 Also volgen se dem Hane sümmer nach /  
 Vnd lyden vaken groth vngemach /  
 Ein dinc ick wol gemetckter han /  
 Dat mennigem Heren/ein schalckhafftich man /  
 Veel leuer ys de smeychelen kan /  
 Denn einer/de gude vnd ehr ein gan /  
 Mit schönen stenen/mennich dat maket /  
 Dat vnder de drecksalicheit bedaket /  
 Helm vnd Schildt/henget haen an /  
 Sir licht begrauen ein Edelman /  
 So wert gehouwen vp den Sten /  
 Ja dat rechte wapen/ys ein dodenbeen /  
 Houwe dat darup/so deistu recht /  
 Vnd schriff/du syft van Adams slecht /  
 De Gades hulde hyr vorweruet /  
 Geys ock salich/wenn he steruet /  
 Syn Graff vnd Schildt/ys schon darby /  
 He sterue edder ligge/wo ydr ock sy /  
 Der Seelen helpet nicht ein schöne Graff /  
 Edder ander homodt/dat men rhömet aff /  
 Na dem dode/mit grothem bage /  
 Nicht Gade/men deffer werlt tho behage /  
 De dorch leefft osent vnd drouwordt /  
 De warheit settet an einen ordt /  
 Vnd sprickt Placebo/dat yslich gern hort /  
 De klopper vor des Antichristes port /  
 Also de Gewaldt siet endigen doth /  
 Cyrus de dranc syn egen Blodt /  
 Nene Gewaldt vp Erden so hoch ye quam /  
 De nicht ein ende mit treuren nam /  
 Wat de Gewalt achtet/vp dat alderbest /  
 Dat wert vorbitert doch thom lest /  
 Grote narheit yffet/vmme grote gewaldt /  
 De men doch nicht lange behaldt,

Wol

Wol wat gudes lauet vnd ock heldt /  
 Syn lohn em onbeldt wert gestelt /  
 Wol siet suluest stedes lauer alleine /  
 Des loff ys swack vnd ganz kleine /  
 Mit dorheit ys vorwar de voreint /  
 De veel vmme einen doden weint /  
 Vnd vorgundt em syne rouwe tho han /  
 So wy em doch möthen alle na ghan /  
 De ehr vnd ein treuwe herte/wol bestet /  
 Auerst de valscheit vnd vntreuwe/vndergeit /  
 Treuwe nicht veel/vnd holdt dyne rede yn hude /  
 Denn ein wyder Rader/doth selden gude /  
 Gründe der werlt/yn groter nodt /  
 Ghan veer vnd twintich vp ein lodt /  
 Vnd de de besten willen geheten syn /  
 Der ghan wol twintich vp ein Quentyn /  
 Ein Mällen mit der Mägen /  
 Ein Wener mit der Kregen /  
 Ein Schnyder mit der Scher /  
 Welcker Düuel fört de dre dene her /  
 Mennich ys rechtferdich/allene mit worden /  
 Wo men van Reinken Vosse ock mach hören /  
 Men yn den wercken nicht ein har /  
 Dat süth men alle dage wol apenbar /  
 Schöne worde de helpen nicht /  
 Wor men de wercke nicht en sicht /  
 Wo ys dat spel so gar egennüttig /  
 Wo geschicht Kōuerie so trozig /  
 Wo ys de deeffstal also groff /  
 Wo schweuet de listicheit allidit vp /  
 Wo ys dat grote Sweren so gemein /  
 Wo rekt men den Eder so fien /  
 Wo ys Geselschap so vntreuw /  
 Wo heffe Borgen so veel naruw /  
 Wo syn de waren so gar bedrogen /  
 Wo syn de schuldener so ganz vorlogen,

Wol



Wo gar ys Naberschop so hetisch /  
Wo syn de Rosten vnmetich.  
Wo rohe ys der Minschen geweten /  
Wo gar ys alles vngelucke yngereten.  
Wo weinich holdt men van Gades worde /  
Wo vnberede ys men thom dodt.  
Wo Klein hefft men vp dat ewige acht /  
Wo ganz men vp dat tydtlike tracht.  
Wol vām schaden wil bliuen rein /  
Deschal böser Geselschop achten Klein.  
Van Ebrekerye ysnāwerle wat gudes gekamē /  
Den hedde paris Helenam nicht genamen.  
Trois stāde noch wol vp dessen dach /  
Dar der Greken Seer tein Jar vor lach.  
Mit valsheit menniger vmmegheit /  
Int lest doch vntruwe synen egen Heren sleith.  
Van Böser Minschen frede vnd vorbunde /  
Wert framen lāden groth yamer fundt.  
Gewisse Stāde vnde ein vorsocht Swert /  
Synt yn den nōden veel Geldes werdt.  
Mercke/mynes Vyendes munde /  
Lauer my tho nener stundt.  
Wena he schön mywat laues giff /  
Dat kumpt doch vth synem herten nicht /  
Bichten ane ruwe /  
Leeff hebben ane truwe.  
Almosen geuen thom gesichte /  
Desse wercke dōgen all nichte.  
Vnd syn by Gade so angenehme /  
Als wen ein Sōge yn de Jōdensschul keme.  
Dat ys ein Narre vnd wert geschōuet /  
De syner Frouwen vorgāndt vnd vorlōuet.  
Dat se mit kāsſende sy gemeine /  
Vp gelouen byslape/blyue kāsſch vnd reine.  
Solcken gelouen hefft de Dāuel gegrāndet /  
Vp vnkāsſheit/Ebrock vnd stumme Sūnde.

Wol starck is vnd sulckes vormach /  
De starck den anderen yn den Sack.  
De swaken vnd armen/mōthen sich alletyd lyde /  
De starcken vñ riken / hebben geluck an beiden sye  
Wol vnrecht deith einem Man / (den  
De em nen leid hefft gedan.  
Sundat stedes vor einen stāndt gehan /  
Dar stōren sich wol andere teine an.  
Kumpt ein Osse yn frōinde Landt /  
He wert doch vor ein Rindt erkandt.  
Ghat ein Rōdde des dages dusent stundt /  
Thor Kercken/doch ys ydt ein hundt.  
Mercke dat Rōuers/Schelcke vnd Dae /  
Holden selden mit framen Lāden leue.  
Wol dar wil weten/wol he sy /  
De frage syner Nabers twe edder dre /  
Vnd werden em den dre vordragen /  
So wert ydt em de veerde wol sagen.  
Dat ys vorwar ein vnwyß Man /  
De syne schande nicht vorſwygen kan.  
De ys ein Narre de da sweren wil /  
Vmmē ein dīck/dar man em nicht gelōuen wil.  
Sine/hōr vnd spreck nicht /  
Gedenck vnd vorgith es nicht.  
Heren gunst vnd Frouwen lachen /  
Vorkeren sich in mennigen saken.  
Syne egen schande de vthbreidet vnd machret /  
De syn egen geslechte suluen besocht vnd vnerecs  
Hōde dy vor bösen olden wyuen /  
Mit böshheit se veel mengen vnd driuen.  
Wente wat de Dāuel nicht vullenbringen kan /  
Dar moth he ein olot wyß tho han.  
Wenn ydt yn der werlt were bruck vnd sede /  
Dat men vñ Ebrock vnd Horerye nasen aff suedes  
So mōste mennige Frouwe vnd Mann /



Im Lande vmmehere ane Nasen ghan /  
Wol allerley löfflike döget begheer /  
Vnd deith desulunge men eine missedadt /  
De dögede werden alle dennoch vorgeten /  
Vnd em wert na syner missedadt gemeten /  
Vor ogen tho denen ys myne kunst /  
Darmit make ick my vele gunst.  
Tho saue/by den Heren myn /  
Valschlick deene ick/yn gudem schyn /  
Selden ys de lange tho haue geblenen /  
De einfoldich was/vnd nicht dorchdreuen /  
Hoffgesinde/Arsten vnd Juristen /  
Sebben Hoffgöde/dat synt ere Kisten.  
Wol em de sich kan erneren /  
Mit synem arbeide/vnd in eeren.  
Ane haudenst/dat beswerlike leuendt /  
Dar Lyff vnd Seele/yn fahrt moth schweuen /  
Wol so lange ys tho sauewart /  
Dat he erlanget einen grawen Hardt.  
So hefft he veel forge vnde groth arbeit /  
Leider nicht wol angeleht.  
Eruwe/Recht/Tucht vnd warheit /  
Demoth/schende vnd einfoldichheit.  
Küschheit vnd mate/synt vordreuen /  
By saue/vnd an ere stede ys geblenen.  
Legen/dregen vnd alle vullerye /  
Sunderlist/achterredent vnd bönerye.  
Vntucht/vnküschheit/einen andern beschimpen /  
Brassen/drincken/vnd nesen rimpfen.  
Spelen/dobbelen/vnd groth bespott /  
Ock gar weinich achten vp Godt.  
Vp de Seele vnd vp den dode /  
Vp den Sünel vnd vp de leste nodt.  
Dit sy dy Häre ym Hemmel geklaget /  
Dem gar nen vnrecht behaget.  
Gy Heren brüet nicht Gewalde sunder recht /

Godt ys swer Here/vnd gy syne Anechtes  
Richter nicht vp eines Minschen klage /  
Höret thoudern wat ock de ander sage.  
Gyricht/vullerye/vnd vnküsche wandel /  
Mothwille vnd vntemlick handel.  
Sebben mennigen Heren also beseten /  
Dat se der wyßheit gar hebben vorgeten /  
Veer Mären hefft ein yeder Ryke /  
Einen Torne dar binnen desgelike.  
De erste Märe/ys de rechtsferdichheit /  
De ander/so geneget ys de Auericheit.  
Den vnderdanen/vnd desuluen leuer /  
Wedderumme/so dat Volck sich duet.  
Tho holden de enicheit mit recht /  
Dat de eine des andern börde drecht.  
Se drüdde Märe de einem Ryken vele nütet /  
So men wedewen vnd weisen beschüttet.  
Ane dat/ein Ryke/yn de lenge nicht bestet /  
Se veerde Märe ys/so men nicht nalet.  
Vnd straffet de bösen/streng vnd vast /  
Vorschonet darmit wedder Bürger noch Gast.  
Welcker Stadt desse veer Mären hat /  
In der/Gades fruchte/de torne stat / etc.  
So weinich alse wy können syn /  
Ane Brodt/ane water vnd wyn.  
So weinich könne wy ock entberen /  
Der Köninge/Forsten vnd Heren.  
Bedar wil syn der Heren Hoffgesinde /  
Geschicke den mantel na dem winde.  
Vnd drage den vp beiden syden /  
Wil he anders lange tho saue ryden.  
Heren hülde vnd Aprillen weder /  
Frouwen leue vnd Rosen bleder.  
Der wöpel vnd dat Karten spyl /  
Vorwandeln sich vaken/wol dat weten wil.



En fruchtet men nenen woer noch schande/  
Denn erlike maken dāre tyd ym Lande.  
Vnd slaen tho hope mit listicheit/  
De armodt nemande tho herten gheist.  
Woer vnd vorkoep/der armodt deit hinder/  
Mennich vorderhet also mit Wyue vnd Kinder.  
De Ryke den Armen also heimliken eruet/  
Achtet nicht/dat mennich des hangers steruet.  
Men leth se vāste schryen/bidden vnd ropen/  
Rist de wahr/men wil en nicht vorkopen.  
De ys mit groter nartheit beladen/  
De ryke wil syn/mit der Menheit schaden.

Vyff woer vyndet men de synt reine/  
Denomet men Erdwoer gemeine.  
Visch/Holot/Honnich vnd Graß/  
Wā Auer ye reine spys was.  
Wem Godt de dinge recht wil gānnen/  
So wassen desse woer ane Sānde.  
Vnd ane grothe moye vnd arbeit/  
Godt hefft soldes vns tho nūtte bereyt/  
Auerst vth Gelde/Korn vnd wyn/  
Mach ane Sānde gar nen woer syn.  
Ane hōpeninge alles woers/ vnd fry/  
Vthlenen/dar waent Godt ock by.

O gudt gesell drinck Wyns nicht tho veel/  
Hōde dy vor Horen vnd speel.  
Wente spelen vnde ein bōse Wyff/  
Bringen mennigen vñ syn gesuntheit vnd Lyff.  
Einen heren ane syne lust/  
Vnd drincken ane synen dorst.  
Wā ethen ane hunger.

Leuet de lange/so nimp̃t ydt my wonder.  
Ick bin vorwar ein vntuue Meyer.  
Hebbe stinckende Bottern vnd vule Eyer.  
Pypptige Hōner/francke Gōse vnd Ende/  
Vnd wat ick yn vntuue kan erdencken.

Dat ick darmit de Bōrgers beschyte/  
Daran spare ick nenen syte.  
Willen se myne wahr van my bekāmen/  
Idt bringe en schaden edder framē.  
Se mōthent my alle dubbelt vorgelden/  
An my gewinnen se gar selden.  
Denn ick bin aller vntuue vull/  
Nicht beters men en bringen schal.  
Se synt noch fro/dat se ydt men bekāmen/  
Idt sy den mith erem schaden edder framē/  
De Bōrgers synt vns Buren vyendt/  
Wedderumme wy en nicht truue synt.  
Darumme wil ick myn Ampt vorwaren/  
Mit vntuue stede tho Marckede varen.  
Godt hefft veer dinge geschāpen/  
Den Adel/Buren vnd papen.  
Dat veerde synt Wōkeners genandt/  
De schinden Bōrge/Stede/Dörper vnd Landt.  
Gudt gelath/van herten quādt/  
Bedrucht vāken gude frānde.  
Dat ys recht alse men secht/  
De stillen water hebben depe grānde/  
Bewar dyn spel/dat ys vorlarn suel/vth den hem  
Wenn ydt ys gescheen/so ys ydt vorseen/ (den.  
Nemandt mach dar wenden.  
De my frāntlick vor mynen ogen ys/  
Vnd menet my mit valscher list.  
Dem wil ick wedder lenen/  
Schōnerede sunder menen.  
Ick Venus dwinge alle Jōrsten vnd Heren/  
Myner geweldt kan sich nemandt erwehren.  
Vp soldt kunst ick my vorlate/  
Wente schōn bin ick/bauen alle mathe.  
Wol mit my wil ghan tho Beer edder Wyne/  
De leggesynen penninck by den mynen.  
Sup dick vull vnd leggedy nedder/

Ste



Sta vp vnd vñlle dy wedders  
Also schrifft Alexander/  
Eine vñlle vordriff de ander.  
Ein Gaden ane Boem/  
Ein schon Gull ane Thoem.  
Ein Räter ane ein Swerdt/  
Se dre synt nycht eins dreckes werdt/  
Ander veel hundert Wyuen eine Morinne/  
Hefft berouet alle myne sinne.  
Brebede vnd maket wyfflick schām/  
Dat ick einen andern Godt an nam.  
Ick hedde noch wol dusent angebedet/  
Er dat ick se hedde vordriner.

Wünsche gedencke dat du möst steruen/  
Syn gude beholten hyr dyne Eruen.  
Wenn se dy hebben tho Grane gebracht/  
So dencken se dach vnd nacht.  
Wose dyn gude mögen delen/  
Se fragen nicht veel na dynen Seelen.  
Garum me drinck vnd eth/dewyle du leuest/  
Vnd giff den Armen/wat du van Gade heuest.  
Bewar dyn ehe/ Sy wert nicht mehr.  
Wenn minne vnd an/ Dat mit dar van.  
Wer dat einem ydern vor syn houer geschreuet/  
Dat he syne dage hefft bedreuen.  
Mennich schoide siel vaken bedencken/  
Ehe he einem andern syne Ehe scholde frencken  
prelaten de Godt selden sehen/  
papen de ehre Aercken sehen.  
Jösten wrenel vnd vngnedich/  
Ein junck Wyff vnd vnstedich.  
Ryke Lāde de legen leren/  
Heren de er recht vorkeren.  
Ridders de er Ene vorköpen/  
Frouwen de vaken auer velt lopen.  
Ein oldt Man de tho der drunckenheit tydet/

Ein Mönich de syn Kloster mydet/  
Ein junck man de siel tho vndogeden wendet/  
Ein arm man de wol Wyn kennet.  
Dat synt de vordoruen dinc/  
Dat de Lāde nicht vele van gedegen synt.  
Olde wyne kōnen bōthen vnd wicken/  
Goldtsmede hebben stempel vnd stalen sticken.  
Schryuers de dar Jörsten yngesegel dragen/  
Ropläde de er Lyff na gude wagen.  
Sanelāde de ere Seele nicht en sparen/  
Vor alle de moth men siel sehr waren.  
De hyr benōmet synt all tho handt/  
De bekande Man vorkeret alle Landt.

### Van dem Banne.

S Luth tho/vnd eins lāde/  
Segene dat water/ nicht besprengende Lāde.  
Soldt Misse nicht mit Gesange/  
Syn Kloster sy gewet tho dem strange.  
Dōpe/Bicht/Borhe sy dyne gaue/  
Predicke/nicht singe noch graue.  
De Frouwen nicht ynleide/  
Dem Krancken Gades Lyham berede.  
Nicht Olve/noch truwe Echt/  
So holstu dat Interdict recht.  
Ior dācker my nicht vth dynes rymes grunde  
Se seide ya yn so forter stunde.  
Olde bōse wyue synt van bōsen nicken/  
Goldtsmede kōnnen yngesegel drücken.  
Arme Schryuers weren gern rike/vn hedden gern  
Ropläden kumpt yd vaken vth dem wel. (vel/  
Ock weth ick noch ein Sprick wordt/  
Dat slue hebbe ick vaken gehordt.  
Wol auer See vnd Sandt sey so verne/  
Edder buten Lande so gerne. Deme



Dem wert Kopper vor Geldt gesandt /  
Vnd grote deloffte / werden ein ydel thande.

## Thom nyen Jare hübsche ryme.

**J**hesus dat sote Kindelin /  
Schal stedes yn mynem herten syn.  
Dat ys van Sünden also klar /  
Dat gene ick dy thom nyen Jar.

Leus Süster dessen Breff ick tho suw sende /  
Vp einem Koken so behende.

Tho einem frölikē vnd nyen Jare /

Ane allem angeste vnd vare.

Godt wil dat wy dith Jar thom ende bringen /

Mit stedem beden vnde singen.

Vnde allet ydt na Gades willen leuen /

Synem hylligen worde nicht wedder streuen.

Ach leeff wes so lange gesunder /

Dat de siole wecht ein pundt.

Wecht se ein Lodd effte Quentyn /

Noch schöle gy de alderleneste syn.

Och säre leeff herumm den herdt.

Ein oldt Man ys juw beschert.

Den gy yn juwen herten nicht begert /

Gy möthen en schobben vnde flouwen /

Allent wat he schal ethen / möthe ghy em kowen.

Anneke blyff hyr nicht / ys ein gudt Fock /

Se gheit vomme dat vār / alse ein welckblock.

Wenn se vns den Koel faken /

So moth se dat vār yn der asschen raken.

Ja wenn se de Spysē schal wellen /

So sleith se de Lāse vp der Kellen.

Godt grōre juw myn gūlden Melan /

Myn herte ys no juw sehr bestan.

Wen ick juw gande see vp der straten /

Myn lachent kan ick nicht lat hen.

Noch motch ick myn lachent stillen /  
All vomme der valschen Tungen willen.

Ein weiß vnd dögentam Rād /

Dele frame Bōrgers ys der Stadt.

De alder stardsten Māren synt /

Nene beter Māren ick vnydt.

Wenn dy dat Wyff ein Ledtlin singet /

Van rikedom den se tho dy bringet.

Dat klinget dy yn den oren also /

Dat du des ledes werst nimmer fro.

Heffstu dy vnder gudt gemenget /

Ich mein ydt wert dy ingedrenget.

Dat heffstu vorben nicht bedacht /

Ja hedde se dy keinen Zeller gebracht.

Dat scholde dy ys unde a leuer syn /

Denn van er lyden dachlikes pyn.

Bistu ein Krigesman edder ein Buwr /

Wo sūstu vth dyner Rappen so sūr.

Wulstu nu ein Krigesman werden /

So nim hundred gūlden / den Fryg wil ick dy leren.

Wat dy leeff ys / dat men dy do /

Dat do stedes wedder / dat hört dy tho.

Vnd wat dy ys van jemande leit /

Dat do nicht / dat ys de salicheit.

Der armode darff sich niemant schemen /

De Man ys rike de Godt kan trawen.

So arm du bist / du heffst dyns gelick /

Schadens erwarde / so bistu ryck.

Ein arm Man kan wol ryck werden /

Ein rike wert wol arm vp duffer Erden.

Gar vaken tidlick gudt vorgeit /

Dat men mit vnrechte thō sich sleith.

Vnse Burse heffst desse sede /

De wat ethen wil / de bringe wat mede.

Jot sy mager edder veth /



So mach he ethen dēste bet hē  
Bringet he denn genoch/  
So mach he ethen syn gewoech:  
Weset wilkamen gy vngeden Geste/  
Taster tho vnd ethet dat alderbeste.  
Werde ghy denn nicht sath/  
So dancket dem yennen/ de jūw bath.  
Jot ys mennigem leidet/  
Dat ydt einem andern wolghet.  
Eim hater vaken dat he such/  
Vnnd moth doch lyden/dar ydt geschuth.  
Rede weinich vnnd make dat war/  
Borge nicht tho veel/vnnd betale klar.  
Wete veel/vnd weinich sage/  
Antwerde nicht vp alle Frage.  
Vnd mercke euen wat dyne Rente sy/  
Vnd holdt dy dar frönlīck by/  
Vnd there wol tho mathe/  
So gheistu velich vp der strate.  
Mit dancken kan my nemandt melden/  
Mit eeren kan my nemandt schelden.  
Dar ys neen Minsche vp Erden so ryck/  
Mit dancken byn ick wol syns gelyck.  
Leue/ Schatt vnd groth gewinn/  
Vorkert mennigem syn hert vnd sinn.  
Selden kan he werden vroth/  
De stedes denekt vp groth gudr.  
Nemandt weth noch dach effte nacht/  
Wo lange dat syn leuendt stan mach.  
Hebbe leeff dat du nicht vorlesen machst/  
Vorlath dat du nicht beholden machst.  
Vnd soeck dat du geneten machst/  
Ach Godt wo kort ys hyr de tyd.  
Mack vns van allen sunden quyd.  
Min euenthār ys Franck/  
Jck vorhope my ein beter/all wart ydt land.

Stānde myn Ancker vp vastem grunde/  
So wer ick frölich tho allen stunden.  
Jck wil siten/ supen vnd stēren/  
Mynnern myn gudt/vnd leuendt kōrtē/  
Jck wil drincken vnd metich leuen/  
Vormehren myn gudt/dar van Gade geuen.  
Ein yder mach wol drinckē den Rynschen wyn/  
Vmmē geldt/frisch/fründlich vnd frölich syn.  
Wyn gedruncken mit mathe/  
Deit den mīnschen gude barthe.  
De sīck yn wyne drincken vull/  
Werden gelyck den Deerten dull.  
Wolde Godt ick mōste ein Klūsener werden/  
So wolde ick nicht anders hegeren.  
Denn gude olde Kase vnd wit Brodt/  
De wolde ick hebben yn myner nodt.  
Koldt Beer vnd sprengenden Wyn/  
Dat scholde myn stedes gedrenckē syn.  
Junge Hōner vnd olde Vissche/  
De wolde ick stedes hebben vp mynem dissche.  
Dartho ein schōnes junges Megdelin/  
Dat scholde my scyften dat leuendt myn.  
Doch mōste ydt ock hebben sinale lenden/  
Dat wolde ick arme Klūsener myn leuē mede endē.  
Starck vordrach vnd grothe othmorch/  
Bringet alle dīck thom besten.  
De dar kan dwīngen synen modt/  
Geduldt ys dartho gudt.  
He gewīndt daran thom lesten.  
Anneke vnse Magedt/  
De slept beth ydt er behaget.  
Alse men se thom lesten wecket/  
So ys er efft de kūndt bleket.  
So thūt se dat Hōuet wedder vnder/  
Vorderst se daruan/dat gīft my wundet.



Sünde tho vormyden/ ys ein Schryn/  
Geduldt ym lybende/ legge darin.  
Wol dat vor arch/do dat tho/  
Frouwde yn armotd/ nu do tho.  
Wol dar wil mit eeren olden/  
De schal genen vnd ock wat beholden.  
Vnd nicht syn altho milde/  
Dat em syn gedt nicht kame tho spilde.  
Wor Elsels frygen Zerschoppyen/  
Dar suth men selden veel dyen.  
Meist se er egen vordel söken/  
Vp anderer woluart se weinich röken.  
Doch ys dith de meistelclage/  
Se rysen yn macht alle dage.  
Och wo wol dat em geschüth/  
De affleth ehr he vorlaren suth.  
Noch suth mennich vorlaren spil/  
De doch nicht afflaten wil.  
Spelen vnd nicht gewinnen/  
Helsen vnd nicht generen/  
Dat möchte dem Däuel vordreten.  
Heren hülde/vnd de Aprillen wedder/  
Vnd schöne frouwen/dar tho de Rosen bledere.  
Barten/Wörpel/vnd Seyden spyl/  
Vorkeren sich vaken/wol dat mercken wil.  
Louwen/Baren vnd Swyne/  
Dat synt dre wilde deerte tho themen.  
Ick sach nû so wyß einen Man/  
De em quädt wyß themen kan.  
Darbatet noch flege effte Kyuen/  
Dat se ys/wil se wol bliuen.  
Dar ys nemandt de so einen hoge modt droech/  
Ein wyß gift em fynes genoch.  
Alle ydt tho mynem Vollen bereit/  
Sunde groth vnkost vnd arbeit.  
Ick sy gelücke effte vngenal/

Godt

Godt röget alse ydt wesen schal/  
Wiltu ein trinwe leeff bestan/  
So lath de andern alle ghan.  
Wente wo etner mehr perde berydt/  
Jo he mehr tho besande gifft.  
De alltho hastich ys tho vntiden/  
De schal vp einem Esel ryden.  
Süß vorhastet sich ein Man/  
De nicht mit seden handeln kan.  
All wat du deyft bedencke den ende/  
Gryp ein dinc wißlic an/  
Vnd wes nicht tho behende.  
Wes vorsichtich vnd holdt dy slecht/  
Wes ock nicht tho hastich/bedencke dy recht.  
Vnuorworten ys alder best/  
So sy he ock de dith leß.  
Wol dar wat heßte de beholde/  
Wente vngelücke kumpt bolde.  
Wennich Minsche ys also gesinnet/  
Syn egen quädt he vaken beginnet.  
Dat he moth ander Lide schelden/  
Dat moth nemandt melden.  
Van Franckem sade de Minsche wert/  
Syn moder en mit nott geberdt.  
Syn leuent ys ganz ein arbeit/  
Ein gewisse doot ys em bereit.  
Nen Boem ys/de so böse frächte deß/  
Alse de bößhafftige minschheit.  
Wo schön de minsche van buten ys/  
So ys he doch binnen vule myß. (doen/  
Wol eme stede leeff heßte/schal dar nicht van wan  
Wat he an der einen leth/vidt he an der andern.  
Se synt auer eine forme gegaten/  
Söchte men se ock yn Landen/Steden vnd strate.  
Heßte dyn leeff yennich gebreck an sich/  
Dat schaltu nicht maken apenbarlick. Dat



Dar schaltu hönesh mede lyden /  
Darumme dat se leuet dyne syden :  
Isst dat dyn leeff dy tho veel vorlucht /  
So schaltu van er kerē de erste flucht.  
Wente he ys alles dinges wol voruaren /  
De affleth ehr he sinth vorlaren.

Ich bin ein Jeger vnd voer ein Horn /  
All dat ick yage ys vorlorn.  
Noch wil ick jagen dach vnd nacht /  
Beth ick einen steden Volen krygen mach.

So dyn leeff mit haste wil van dy kerē /  
Dat schaltu er so balde nicht wehren.  
Dat ys men alse ein Regen schur /  
Darna schynt de Sünne alse vör.

Wo mach doch dem tho sinne syn /  
De viendt ys / vnd wil doch fründt syn /  
Leue hyr yn geduldt vp Erden /  
Wente dy mach nicht anders werden.

Alse ethent / drincken vnd gewandt /  
Vnd vp dat leste ein holten bandt.

Wiltu wesen ein wyß Man /  
So lath alle dinc vor dy auerghan.

Wol dat vele fraget na nyen mehten /  
De dar secht na / de lücht ock geren.  
Solcke Lude schaltu myden /  
Wiltu nicht vallen yn groth lyden.

In fröwden der Boelschop vnuormethen /  
Vorgündt Brodt wert ock wol gegeren.

Ich was ganz leeff dat mende ick /  
Dar ys ein ander dat weth ick.

De dat ys de höde sich /  
Jot wert em ock ghan / vpt leste alse mick.

Ein Maler entwerpet ersten dat ys ya /  
Vnd schouwet den / wo syn Bilde sta.  
Jot ys veel beter twe mal gemeten /  
Als ein mal / vnd dat beste vorgeten.

An dögeden schaltu dy süen yo /  
Dat hört kerē vnd försten tho.

Vnd andern guden Liden /  
De sich vor schande willen höden.

Ich achte klein wat se klagen /  
Wo ick mach vullen mynen magen :  
Also deith ock de gyrige Man /  
De na grottem gelde vnd gude ys bestan.

Mennich dencket klein vp den dodt /  
De hyr vp Erden hefft groth gude /  
Vnd moth allykewoll yn de fahr /  
Mede wesen / yn der doden schar.

Ich bin ein Vogel de gern bedrückt /  
Dar an myn mundt nicht en lücht.  
Wol gerne wil frönde güder eruen /  
De moth vaken quades dodes steruen.

Se düncket my nicht wesen wyß /  
De dar buwet vp dat yß.  
Wenn dat kompt der Sünnen glantz /  
So bliff dat gebawte nicht ganz.

Wes hönesh vnd dartho wyß /  
So genen dy de Lude pryß.  
Segge van frouwen vnd Juncfrouwen gude /  
So genen se dy hogen modt.

Mit leckerliken Richten /  
Spiset men Ridders vnd Knechten.  
Ja mennich ein gude gericht wol neme /  
Vnd achtede nicht groth wort her queme.

Ich gha hyr spazeren yn dem drecke /  
De my bespotten synt Gede.  
Ich mene dat ydt sich nicht en temet /  
Dat sich ein man syns ampts schemet.

De den Doden pypen drecht /  
Vnd syn geldt an löse frouwen lecht.  
De mach des wol wesen gewiß /  
Dat syn arbeit vorlaren ys.



De dar drincket tho vullen/  
 De moth vaken vordullen.  
 Veel beter drincke he tho mate/  
 Vnde leeuende yn synem state.  
 De dar mehr vortert alse he vormach/  
 Den sleyth gerne der forge slach.  
 Beter were ydt he drincke tho mate/  
 So dorste he darna nicht ghan vp der strate.  
 Wol tho gelage wil mit my drincken/  
 Vnd nicht wil mit my elincken.  
 Des gelages ick wol entbere/  
 All were he ock ein Landes Here.  
 In schanden vnd vnehren moth vortragen/  
 De sit ick/starck yn synen jungen dagen.  
 Nicht hefft gedacht vp den Olden man/  
 De rouwe/frede vnd gemaek scholde han.  
 Weme genodget an dem dat he hat/  
 De ys rike genoch wo ydt em ock ghat.  
 Fründtlick regeren vnd mit willen/  
 Deit veel torens vnd haders stillen.  
 Wol mit dem Koppe wil bauen vth/  
 Deith veel schaden vnd richtet doch weinich vth.  
 Wat helpt hapen sunder trost/  
 De dar selden wert van erlost.  
 Vdr gedan vnd na bedacht/  
 Hefft mennigen yn groth trurent gebracht.  
 Jdt ys manck den Liden nu de gunst/  
 Vnd ys ock der werlt kunst.  
 Dem ydt wolgeyt de hefft veel fründt/  
 Tho dem secht men/wes lange gesündt.  
 Men den jdt ouel gheit/wo veel der ys/  
 Weinich fründe hebben de/dar ys gewiss.  
 Söte leeff do ick dy koss/  
 Do was de windt Südröst.  
 Nu ys de windt geworden West/  
 Varen hen söte leeff/vnd do dyn best.

Bistu

Bistu mynersatt/so bin ick dyner mödel/  
 Varen dat dy Godt behöde.  
 Trurich thomate/ys alle ydt guds/  
 Dem de sück suluen trösten moth.  
 Ick hebbe ydt vorsocht yn Forten tiden/  
 Ick was gang trurich/ick moeste ydt lyden.  
 Hapen ys vp my vorstornen/  
 Ein ander hefft myn leeff erworuen.  
 Dar ick vp tho hapen plach/  
 Dar hefft ein ander de sedwde aff.  
 Dat ys ein Ipenspyl vnd Doren räd/  
 Wordre na einem Bolen ghat.  
 De eine ys leeff/de ander leidet/  
 De drüdde vorläst kost vnd arbeit.  
 Nochtans wil ick yn hapen leuen/  
 Vellichte möchte se my ere fründtschop geuen.  
 Wol sück wil der Bolschop ernerren/  
 De moth können swygen vnd legen.  
 Gächten wenen vnd Sweren/  
 Wol desse nu nicht en kan/  
 De name sück der Bolschop nicht an.  
 Nu wolan ick wil my frölick holden/  
 Jdt mach an my noch wol vorkolden.  
 Vnd wil laten geschen dat wesen moth/  
 Dat my vaken vnd veel truten dot.  
 Ach elende berichte mick/  
 Wo lange schal ick lauen dick.  
 Elende wende/wen Godt wil so ende/  
 Elendt bin ick/wol dar wil de tröste mick.  
 Elende ys my beschert/dar sück alle man vor my  
 Elende hefft my beseten/ (vorsert.  
 Dar ick van alle Man bin vorgeten.  
 Ein Man schal sück nicht tho sehr ber hämen/  
 Dat syn Hoff sta vull schöner blomen.  
 Dat kumpt ein rype vp ein tydt/

G

Vnd



Vnd maket em all syner blomen quyt;  
Ach wolde Godt vnd ein/  
So wer all myne sorge klein.  
Ick bin de ick byn/  
Wilde ys myn sinn.  
Groth ys myn mudt/  
Klein ys myn gudt.  
Sunder gelt bin ick de best/  
So moth he ock syn de dith lest.  
Hebbe mathe an dynem mudt/  
Wente alltho veel ys nicht gudt.  
Eines Weidmāns vnuordraten/  
Des hebbe ick vaken genaten.  
Wennich minsche my dat vorgan/  
Dat he suluen nicht vorgelden kan.  
Kōde ich my scheidens erwehren/  
So wolde ick my wol ernehren/  
Ach scheiden ys de bitter dodt.  
Vnd bringt mennigen yn so grote nodt/  
Mennich man belachet mick/  
Dat my ōuel syth/des hōde he sict.  
Wultu my vnd einen ydern schelden/  
So moth men dyne vnd dāt ock melden.  
Synt de denne so recht vnd gudt/  
Des machstu dy frōwen yn dynem mudt.  
Ach hebde ick mynen willen/  
So wer ick gudt tho stillen.  
De mit heimliken lyden befangen ys/  
Nien swarer bōrde kan wesen/dat ys gewis.  
Wol kan ydt so maken berichte my/  
Dat idt alle Manne tho dancē sy.  
My moyet mehr myn mydent/  
Alse my moyet myn sware lydent.  
Ick hebbe gelücke sunder bate/  
Kame ick tho spade/so kame ick tho late.  
Kame ick tho fro/so kame ick tho vnrast/

Allsus kame ick tho vnrast/  
Weine wol darynne genōget/  
Alse ydt Godt mit em fōget.  
Godt de wert ydt wol vōgen/  
Darinne dy schal wol genōgen.  
Ein Jeger ys ein Jeger/  
Wol nicht en hefft/dat ys ein Flegel.  
Jedoch wil ick fangen dat ick yage/  
Scholde ick ock yagen all myn dage.  
De ys wyß de gudt gewinnet/  
De ys wyß de sict suluest kenneet.  
De ys wyß de sict hōdt vor Sunden/  
De ys wyß de gudt vnd quādē kan grāndem/  
De ys wyß de dem dode nicht entbirt/  
De ys wyß de quade Geselschop sūcht.  
Ach wo gerne ick weten wolde/  
Vor weime ick my hōden scholde.  
Iot ys nu der Werlt ganz nuwe/  
Gude wōrde vnd valsche truwē.  
Ja wen de mundt sprickt/Godt grōte dick/  
So ment dat herre/dat sam my re sla dick.  
Weime dat gelücke mit gude gnedich ys/  
All ys he dull/doch heth he wys.  
Wat helper dat etner vele kāste kan/  
Dem Godt nen gelücke gan.  
Wol gerne vthbolet/vnd selden dat gheitt/  
Is he ganz leeff/he wert wolleidt.  
He ys arger/alse vorgiff vnd sennyn/  
De Vyendt ys/vnd wil noch frāndt syn.  
Gedencke vnd nicht vorgiff/  
Lath einen ydern syn wol he ys/  
Op dat nemadt segge wol du bist/  
Wol weth wol des andern Schwager ys.  
Mercke vnde melde/  
De wassen beide yn dem velde.



plücke mercke/vnd lath melde stan/  
So machstu mit allen Liden vmmeghan/  
Lydent tho dragen ys sware pyn/  
Anerst synen Bolen tho myden ys quadt fennyn/  
Ach de sict also waren künde/  
Dat he alles vingelücke leddich stände/  
Vnd alle dinc lete lopen synen loep/  
De hedde vorwarden besten koep/  
Könden my myne dancken bringen darhen/  
So wer ick vaken/dar ick nicht en bin.

Ein Jarmarcket ane dene/  
Eine schöne Frouwe ane leene/  
Ein Bidel ane Geldt/  
Desse drie ding syn nicht yn der Werlt.

Wenn alle vögel synt tho neste/  
So ys myn spaserent noch dat beste/  
Ick wünsche allen nyders dat ongeval/  
Dat vp Erden ys/vnd noch kamen schal.

My wundert nen dinc mehr vp Erden/  
So rechte leue dat mach leidt werden.

Weme gedüncket dat he sy wyß/  
Van de dorheit beholdt he den pryß/  
Weme gedüncket dat he alle dinc kan/  
De ys nimmermehr ein wyß Man.

Se ys ein dor de sict tho veel vnderwindt/  
Se ys ein dor de sict tho vaste vorbindt/  
Se ys ein dor/dem an synem nicht genöget/  
Se ys ein dor/de sict tho Doren vöget.

Wol tho lyden ys gebaren/  
Lydt he nicht so ys he vorlaren/  
Dorch lydent wil ick my vorblyden/  
Vnd alle valsche Fleffers my den.

Barinherticheit flagent helpt my nicht/  
Heimlick bolen kan ick nicht/  
Geldt deith ydt/des hebbe ick nicht/  
Weme dat vorbarmet de tröste mit.

300

Som ödige Lide beschouwen sict/  
Olde läde flouwen sict/  
Möde läde rouwen sict/  
Wyse läde vorsinnen sict/  
Junge läde beleuen sict/  
Dulle läde önen sict.

Nemandt wil mit/nemandt bin ick/  
Nemandt ys myn/nemandt wil ick syn/  
Ick was leeff/vnd bin geworden leidt/  
Nochtans hebbe ick leeff de my gudt deith.

Wol einen Boem hefft othertaren/  
Vnd suth de frucht daranne vorlaren/  
De houwe en aff vnd wese tho frede/  
Vnd sette einen andern yn de stede.

Eydt/stede vnde stunde/  
Veldt/Hasen vnd Hunde/  
Maken mennigen wilden Man/  
Dat mercke wol de dat mercken kan.

Megede de gerne vor den dören stan/  
Vnd veel wittes yn eren ogen han/  
Vnd sehen all byr vnd dar/  
Vnde nemen der yungen Gesellen war/  
Dat ys my recht yn sinne/  
De laten sict gern auerwinnen.

Gudt maket mudt/Modt bringet auermodt/  
Auermodt bringt armodt/Armodt gang we dot/  
Wol dat wat werth de swyge/  
De dat wol ys de blyue.

Wol wat hefft de holde/  
Wente vorlust kumpt bolde/  
Möchte myn hapent seker syn/  
So wer myn vorlangent nene pyn.

Myn Leeff ys gudt van allen seden/  
Schöne gemaket van allen leden/  
Se kan wol junger Gesellen hilde krygen/  
Men wat se suth/dat kan se nicht swygen. Id



Ich bin etnes Kleinen Breues ock ein Bode.  
Godt gedre dy Leeff all sunder spott.  
Ich entbede juw mynen fründtliken groth.  
Van rechter leue ick dat don moth.  
De alderleuesten myn de sū gewan/  
De grôte ick van herten efft ick kan.  
Vnd grôte se so mennige stundt/  
Alse Sandes Korn licht ym Meres grunde.  
O alderleueste fröuwlin gart/  
Ich do juw kundert tho desser vart.  
Veel tho hören vnde nicht anmercken/  
Dat synt alle verclaren wercke.  
Such vor dick/truwe ys mislick/  
Truwe ys ein selzam Gast/  
Wol se vinct/de holde se vast.  
Such vor dick/shelle hände yagen dick/  
Süstu vmine vnd werst genaen/  
So ys all dyn arbeit vmmesūs gedan.  
Ein iunck Man vnd ein oldr Wyff/  
Dar twisschen ys ein ewich Kyff.  
Wol dar wil flassen tho vele/  
De wert ein Seck yn dem spele.  
Ach swygent ys kunst/  
Alaffent maket vngunst.  
Swich vnd lydt/mercke vnd mydt/  
Sū tho wo du dy hyr stellest/  
Dat du der Geselschop nicht entgeldest.  
Ach here Godt wo sehr/ghheit goldt vor che/  
Goldt vnd Säluer mach men frygen/  
Wol nene eer hefft de mach wol swygen.  
Bedröuede herten schölen söken/  
Schöne frouwen mit witten döken.  
Dartho guden Rynschen Wyn/  
Ich weth nene beter Mediē.  
Mit grotter gefahr/wardt sot my swar/  
Noch quam ick dar/tho der alderleuesten myn:

Debenam my de pyn:  
Ich entber/dat ick beger/  
Könde ick dat erlangen/  
So were myne sorge vorgangen.  
Hödt dy Geselle vnd wes gemeyt/  
Dy wert noch lones arbeit.  
Hödt dy Geselle vnd wes gesundt/  
Vnd hebbe alle tydt einen höueschen munde.  
Hyr kumpt veel her/des ick nicht beger/  
Dat ick beger/kumpt ganz selden her.  
Wat ick weth/vnd nicht weren schal/  
Dat en weth ick nicht/vnd weth ydt all.  
Ich bin begaten sunder nat/  
Ein valsch sündt dede my dat.  
Dar ick my gudes tho vorleth/  
Dat was de yene de my vorreth.  
Schwigen ys de Orden myn/  
Schwigen deith deir my swigen schin.  
Schwigen ys ein Eddel döget/  
Schwiger dat gy wol swigen möget.  
Dat ys warlick ein gar wys Man.  
De tho allen tiden swigen vnd spreken kan.  
Ich bin ein arme Deerne/  
Ich dede ydt also gerne.  
Were ydt gedan recht/  
So dede ick alse ein Knedt.  
Ich hate weme ick hate/  
Ior wert darumme nicht gelaten.  
Stan se ym vorbunde/  
So ramen se wol der Stunde.  
Ich hebbe geyaget/dat my behaget/  
Godt hefft genöget/dat my genöget.  
Bedde ick alles wil des för/  
Ich sagepe men dat ick hebbe vör.  
Ich mende wo se were ein Gast/  
Do se quam yn myn herte.



Nu hefft se dar gehuset vast/  
Daruan so lyde ick smerte.  
Wolde se stedes ein gude Lebersche syn/  
My en scholde erer nicht dordreten.  
Se ys myn Rosengardelin/  
Des late se my geneten.  
Mach ick juwe hulde nicht vorweruen/  
So moth ick warlich steruen/  
De Leeff hebber sterfft gang vaken/  
Dat en de dodt nicht raken/  
Wenn he synen willen nicht kan vorweruen/  
So secht he warlich ick moth steruen.  
Wes frisch vnd wolgemüdt/  
So wert alle dinc noch wol gude.  
Ick hebbe nūwerle beters gelesen/  
Men wol tho donde vnde frölick wesen.  
Buwent vnd kyff/  
Köste vn de schöne wyff/  
Nemen penninge vnd lyff.  
Wol de leue wil köpen/  
De lane vth ein par Scho mit knöpen.  
Wenn se denn de Scho wil halen/  
So schal men se er vp de wandt malen.  
Gode gene Gode gröre/  
Vorlese wy de Scho so beholde wy de Vöthe.  
Wor men der leue nicht wil sparen/  
Dar kan se nicht lange waren.  
Ach wo gerne/ Wo seldom wo verne/  
Ick van er bin/ So krencket my de sunn.  
Ick was gang leeff yn einem huse/  
Do leuer quam/de möste ick vth.  
An bin ick gevallen van dem stee/  
Wil Gode ick kame noch wol wedder tho wege.  
Ydt frager manich wo ydt my gheit/  
Ginge ydt my wol/ ydt were em leide.  
Mit solcken reden alse he odt menet/

So

So wil ick lachen wenn he wenet/  
Ydt sy syn schimp edder spott/  
Wat he my gännet/dat geue em Gode.  
Ach leuer gedencke vp my/alse ick xpy/  
So bistu seldom dancken fry.  
Wenn ick by er wesen mach/  
So däncket my twintich Jar ein dach/  
Ein fründt yn der nodt/  
Ein fründt yn den dodt.  
Ein fründt yn der trüwe/  
Ein fründt achter rügge/  
Dat synt veer stalen brügge.  
Wol desse recht kan raken/  
De mach wol fründtschop maken.  
Wol alle dinc wil melden vnd klaffen/  
Den mach men wol geliken einer Assen.  
Vnd kan vp besden schuldern dregen/  
Vnd kan dat gude vort quade wegen.  
Dat däncket my syn gang vast/  
Ydt sy ein vntuwe Gast.  
Ein yrluck Geselle gude/  
Schal swar dragen vp dat leste.  
Ist em eine frouwe fründtschop dodt/  
So schwyge he stille/dat ys dat beste.  
Wol dar kan plumen stryken/  
Vnd einem andern na slyken.  
All wor he wil ghan effte slaen/  
Den möthe yo de Bödel slaen.  
Wolup yn der mathe.  
Wy ryden vnse strate.  
Ick mende wo ick dar were/  
Nu ys ydt dar noch gang ver.  
Hebbe reine hende mē einen höueschen munde/  
So bliff dyn Lyff vnd Seele gesund.  
Alle myne frouwe hebbe ick vorlaren/

Vnd



Vnd gndt Hamburger beer vtherkaren:

Dat maket my ganz dull vnd fro /

Dat ick kan kamen negen tho. (wen.

Ach wyse man / an dessen reden machstu schon  
Wat losheit ys in eliken reden der frouwen.

Salomon/Dauid/Adam/ Absolon vñ Sampson/

De wörden all bedragen van den Wyuen/

Wol kan nu vnbedragen bliuen.

Leeff tho hebben ys ein wonderlick leuen/

Dat kan anders nicht/also forge geuen.

Wol Godt leuede banen alle dinc/

De dörfte nicht sorgen vor yennich dinc/

Ach scholde ick des nicht lachen/

Dat ick dat kan maken.

Dat he meent dat he dat sy /

He quam doch warlick an myn herten y.

Hy kumpt vñ veel her /

Dat ick ganz nicht beger.

Wat ick nicht lyden mach /

Dat beyegent my all den dach.

Men hatet my/ick lyde darmede /

Ich wolde wol dat men ydt nicht en dede.

Bin ick recht in allen saken /

Wat achte ick den der Lude sprake.

Der Gründe hebbe ick vyl /

Wenn ick se nicht hebben wil.

Ja wen ick dan erer behöue /

So synt se ym haue vnd grauen röue.

De sicc höger höldt also be ys /

Bedrucht sicc suluen dat ys gewiss.

In truwen gehört ein schimplick wort/

Dat schaltu nicht valschlick glosen/

Segge dat nicht vort/nach hyr noch dort/

So bistu gewerd der Rosen.

De dinge werden nñm mer guds/

De men hauen mathe doth.

Ach

Ach wer da wiste wo wol/wolspreken stat /

He scholde sicc schemen/ spreke he quade.

Ach hedde ick gelt na mynem willen/

So wolde ick den pawest wol stillen.

Vnd slapen by des Abbetes wyue /

Vnd wolde noch ym Lande wol bliuen.

Och here Godt wy synt yo men Geste/

Nochtans buwe wy hoge Veste.

My vorwundert dat wy nicht en müren /

Dat wy ewich mögen dären.

Gelick wardt alder lengest/

Oh wol tho wat du betengest.

Wiltu wesen vnuorworen/

So hödt dy vor den listen Zoren.

Wat ys beter in deffer welt/

Also ein iunge frouwe vnde reidt gelt.

Wol vp drögem lande wil schepen /

Vnd dat water wil mit etnem Seue meten/

Vnd vp dem water dörschet/

Vnd den dreck vaken wasschet.

Vnd sicc mit Zoren bewerdt/

Dem ys noch eer noch guds bescherdt.

Groth vngelicke ys vpt bolen /

Dat lese ick yn allen Scholen.

Nach ys nen Geselle so Klein/

He wil vor sicc hebben ein Wyff allein.

Och wo sehr he dwelet.

De syn herre einom andern benelet.

Vnd synen sinn darhen kert/

Dat men syner nicht begert.

Hörstu Narre wil dy doch schemen/

Vnd laten des Säuels processie betemen.

Volge Christo dynem Gade vnd Zeren/

Vndet synen Banern wil dy keren.

Dat ys syn Crüge vnd syn doot/

h. 4

Syn



Syn sware lydent vnd wunden rodt:

Mennich man kumpt/dar mennich man ys/  
Mennich man werth nicht/wol mennich man ys/  
Wiste mennich man/wol mennich man wehr.  
Mennich man/dede mennigem grote ehr.

Ich vnd myne Sconwe synt des also ein/  
Alse twe hinde auer ein bein.

Ja wenn ick wil/so wil se nicht/

Vnd wen se wil/so kan ick nicht.

Gudt maket modt/ Modt maket homodt.

Somodt maket nydt/ Nydt maket strydt.

Strydt maket armodt/ Armodt maket frede.

Ach vorlangen vorlangen/

Dy was ick entgangen.

Scheiden hefft my erdacht/

Dat my vorlanget dach vnd nacht.

Ich wil des wol vorbeiden/

Veel beter ys hapen denn scheiden.

Do ick ryke was vnd konde geuen/

Do hadde ick fründtschap alderwegen.

Nu ys my leider dat gudt entghan/

Des synt my de fründe affgestan.

De Bidel ys my geworden licht/

Se sehen my wol se kennen my nicht.

Dith ys nu der Werlt stat/

Do my gudt ick do dy quadt.

Heue my vp/ick stote dy nedder/

Ehr my ick schende dy wedder.

Mennich fründtschap wert geschetdet/

Darumme dat de tunge ouel wert geleidet.

O tunge du kleine lyth/

Du makest mennich groth vordryt.

Möchten rykedage vñ schönheit allerydt dñr/

Dat were wol groth vordeel vnd gudt.

Men dar ys quadt tho Mñren/

Dat leste fundament ys de dodt.

Wem

Wenn du gefaren werst tho grotem stade/

So su dy vör/ick dy rade.

Weme du schadeft effte betyest mit schande/

Dat du nicht vallest wenn du meinst tho stande/

In allen dingen wultu beghan/

Bedencke wat dy möchte daraff enstan.

Eines schalckes oge nydet dat/

Dat ein gefelle wat gudes hat.

Lath se vusste Ryden vnd nyden/

Dat my Godt gñdt möchen se lyden.

Wen ick thokope vñde einen yern Godt/

De my möchte vör lögen syn gudt.

Vnd ein Schildt gewisse vör schelden/

De twe wolde ick dñr vorgelden.

Dartho ock einen hogen Thorn vor truren/

Den wolde ick mit Tinnen bemuren.

Hedde ick ein Ruz vor vngemack/

Dat lete ick nimmer ane dack.

Desgeliken vor older eine Saluen/

De wolde ick striken allenthaluen.

Vnd hedde vor den dodt ein Swert/

Dat were wol vele geldes wert.

Older ane Wyssheit/ Wyssheit ane werke.

Seren sunder Vold/ Vold sunder dwanck.

Stede sunder Recht/ Recht sunder Gnade.

Souerdye sunder Gudt/ Gudt sunder Ehr.

Eddel ane Tucht/ Tucht ane Frucht.

Geistlick orden ane frede/ Juncfrouwe ane schem.

Desse twölff stücke vordernen de Werlt. (vñ)

So schöne ys nemannt noch so wert/

De dodt maket/dat men syner nicht begert/

Wo leeff de Minsche ym Leuende sy/

Se ys na dem dode bywanendes fry.

Nemandt schal syn Lydent klagen/

Den rechten fründen de ydt mit em dragen.

Mennich klaget syn lydent vort/

Dem



Dem senen de ydt gerne hordt.  
 Ick mende ydt were Lfen/  
 Allent wat de Lide spreken.  
 Nu ys ydt kume Linden/  
 De warheit kan man nergen vinden/  
 Fründt ym schyn/dennoch Viendt tho syn/  
 Dat ys ein quadt sennyn.  
 Auerst ein fründt achter rügge/  
 Dat ys eine vaste Brügge.  
 De syne fründe prouen wil vnd schal/  
 De proue se yn vngeual.  
 Wente ym gelücke ys meinnich fründt/  
 De yn der nodt nicht en gündt.  
 Wente fründe in der nodt/  
 Der ghan wol twintich vp ein Lodd.  
 Vnd de men den ment de besten syn/  
 Der ghan wol vöffrich vp ein Quentin.  
 Grinck vnd gilt/  
 Vnd gha wen du wilt.  
 Recht don hefft my bedragen/  
 Ick hadde recht vnd wart belagen.  
 Se Lögeners synt mynem Heren leeff/  
 Se sielen mehr alse ein ander deeff.  
 Gerechtheit wor bistu gebleuen/  
 Vntruwe hefft dy vordreuen.  
 Gerechtheit du most stan hinder der dörr/  
 Vntruwe bliffst alleridit heruörr.  
 Detungen nicht dwingen yn der yöget/  
 Eddel vnd Rike ane döget.  
 Acker ane Frucht/      Frouwen ane tucht/  
 Denen ane lohn/      Sünde ane hon.  
 Woldadt ane danck/      Ethen ane drand.  
 Lesen vnd nicht vorstan/      Gude wercke vngedän.  
 Menheit ane Enicheit/      Heren ane wysheit.  
 Härsten ane mericheit/      Ehr ane Rechtheit.  
 Ridders ane Varr/      Vad papen vngelert.

Sör dat dith wärdt/      Is de werlt all vorkart.  
 Se lydt pyne vnd sinerte groth/  
 De gerne blene vnd doch scheiden moth.  
 In velem vntydlichen flassende vorwat/  
 Vindt men mennigen Lögner twar.  
 Ick bin bedragen vp deffer Erden/  
 Dat ick bin/mach ein ander werden.  
 Dre dringe weth ick vorwat/  
 Se maken myn herte sehr swar.  
 Dat erste my sorgen dorth/  
 Dat ick yo sternen moth.  
 Dat ander beswert my noch mehr/  
 Wente ick weth nicht wenner.  
 Dat drüdde bedröuet my bauen all/  
 Dat ick nicht weth/wor ick bliuen schal.  
 Hyrumme wil ick my bekeren/  
 Se Sünde laten vnd steruen leren.  
 Vnd Gades gebade bewaren/  
 So mach ick ynt ewige Leuent varen.  
 Och Hēre Godt wo sündich kame ick tho dy/  
 In mynen lesten ende sta my by.  
 Wiltu dat ydt dy wol schal gelingen/  
 So su wol tho allen dingen.  
 Allrtho veel löuen ys nicht gudt.  
 Dat weth nemandt wat ein ander dorth.  
 Welcker Geselle sick wil dat hōrdnel affkeren/  
 Se schal sick mit guden Gefellen bewerren.  
 Wor se sitten by dem kolden Wyn/  
 Vnd laten eine Meze eine Meze syn.  
 Schöne wordt mit kleinem gunst/  
 Is groth bedroch mit lichter Kunst.  
 Wol des anend es drinck also sehr/  
 Dat syn hōuet kumpt vth der fehr.  
 Se schal des morgens vro vpstan/  
 Vnd schal vp desulue ste de ghan.  
 Vnd drincken so vull alse he was/



So kumpt syn Ghuet wedder vp syn pass.  
Mennich Man van dem andern spricht/  
Bedechte he wat em suluen gebrickt.  
Vnd wes em vnd de synen vorsteith/  
He swege wol stille vnd sede van nemande leids.  
So werstu de rechste de yu wardt gebaren/  
Vnd de wyseste de yu wardt erkaren.  
Ach Aleffer lath dyn Klaffent syn /  
Wat ick vorgelde dat ys myn.  
Mennich Man my des vorgan /  
Dat he suluen nicht vorgelden kan.  
Darumme kame ick ouel tho/  
My hatet so mennich/dem ick nicht en doe  
Who weren doch alle Aleffer so /  
Ick wolde dat se weren thoreten/  
De mehr seggen also se weten.  
An einen anderen Boem bin ick gerahet/  
Dat my de Frucht so wol aff smaket.  
Ja mochte ick by der Frucht bliuen /  
Dar wolde ick my junge leuent mede vordriuen.  
Dich ys yn diesem huse ein recht/  
Wol yn der Roken nicht en drecht.  
De schal dar buten bliuen stan/  
Wente dat em der Rock dar yn heth ghan.  
Got kumpt ock wol vnderwylen /  
Dat de Rock also moth ylen.  
Vnd gheit mit dem Lepel vumme den herdt /  
Wilde Geste he selben begert.  
Ick quam gegangen yn ein Landt /  
Dar stundt geschreyen an der wandt.  
Wat ick nicht vorbeteren kande /  
Dat scholde ick laten also ick funde.  
Drincken drincken wat ys dat/  
Gades torn vnd der werlt hath.  
Vorlesen Gndt vnd ehr /  
Vordömen Lyff vnd Seele.

Vnd

Vnd ein vull Man ein dull Man.  
Druckenheit ys ein Morder van allem quadt/  
Weset nüchtern vnd latet juw raden.  
De Megede schölen nicht vele drincken/  
De Megede schölen verne bedencken.  
De Megede schölen nicht vele etchen /  
Dartho schölen se weinich spreken.  
Eine Maget de dar giff / de büth ere ehr.  
Eine Maget de dar nimpt/de vorhöfft ere ehr.  
Eine Maget de mit eer en wil leuen /  
De schal noch nemen effte geuen.  
Ein Wyff/Wyn/Wörpen vnd Hasen /  
De maken mennigen Man rasen vnd vorhasen.  
Ein Frndt dat heth mala mulier/  
Dar vor höde dy semper.  
De eine horen hefft tho einem Wyne/  
De hefft ein quadt klenode tho synem Lyne.  
Belenet Godt vnd holdet syn Gebodt/  
So velt juw dat alderbeste lodt.  
Veer böser stücke yn einer Sadt/  
Dat erste ys ein hochinrich Bürgermeisterr.  
Dat ander ys ein seggern Rådman.  
Dat drüdde ys ein vorsumich Kemmerer.  
Dat veerde ys ein vnghehorsam Bäger.  
Och du arme Beersoth /  
Wu küstu dynen Bueck vor einen Affgodt.  
Wultu des nicht vortyen/  
Welcker Anümel wil na dy fryen.  
De Auent vnd morgen synt nicht lyke gndt /  
De morgē deit sorgen/de auent vortert dat gndt.  
Wolde de Auent sorgen/recht so de morgen doth/  
So mochte mennich ryden/de nu wol ghan moth.  
De vnrecht wil tho rechte han /  
De moth vor Gade tho rechte stan.  
Vp hapen leue ick/

J

Godt



Godt mach beraden inick /  
Ick loue truweliken vp Godt /  
He wert my helpen sonder spota  
Wol sict vp Godt vortruwet vp desser Erden /  
De schal nimmer vorlaten werden.

Och junge vrouwe ick wolde weren also gerne  
Eest de Boelschop schimp effte ernst were.  
Gude Geselle dat segge ick sinw mit gelimp /  
Ict ys nedden ernst vnd banen schimp.

Alu wolan dat moth ick lyden /  
Vp losen Brüggen ys quadt ryden.  
Vnd stillen mynen modt /  
Recht so de Ruffhane dorth.  
Wenn em de ene Henne entgheit /  
De ander vort wedder by em stett.

He ys alles dinges wol voruaren /  
De affleth ehr he suth vorlaren.  
Ach Heze Godt wo duel kame ick tho /  
My hatet so men nich dem ick nicht do.  
Dede ick em noch so gude /  
Nichtersprake ick lyden moth.  
Inlyden sto / De wol kan de do also.

Wol my beschimpet vnd de mynen /  
De gha tho huff vnd besehe de synen.  
Vindt he dan dar nen gebreck /  
So kame he balde vnd straffe meck.

Ick hebbe ein Ree yn der yacht /  
Darna hebbe ick geyaget dach vnd nacht.  
Möchte ick des Rees geneten /  
Min yagent scholde my nicht vordreten.

Godt gröte dy myn leuelick etappe /  
Du drinckest nicht gerne vth dem ledvigen nappe  
Alle beker wiltu drincken vnd stören /  
Dat wil dy dyn leuende kerten.  
Köndestu dat wat lathen /  
Dat möchte dy mannigen pennick baten.

Tho Rome ys menaiger worden thom Anedht /  
Dorch vpror / midt / twist / hāt vñ Fryges geschefft.

Joabs vorrethlike badt vnd mordt /  
Dorch Salomonem ock gestraffer word.

Mennich nātte Boeck hebbe ick vnd gude /  
Dat ick nimmermehr recht lese vth.  
Ock nicht vorsta des Bokes meen /

Men ick iage dar aff de flegen groth vnd fleen.

Se nicht kan spreken ya vnd neen /  
Vnd rades plegen groth vnd fleen.  
Vnd wil doch wyß beten geseen /  
De rāth der Narren ploech allein.

De buwen wil de recke vor an /  
Wat kostens he dartho moth han.  
Vnd wat em aff vnd tho wert ghan /  
So wert de ende richtig stan.

In thokumpstich arbeit he gerne velt /  
De sich den Brassers thogeselt.  
Vnd stedes na schelden vnd vullen stelt /  
By sodanen Narren blift yo nen gelt.

Dem wert beualen ein swere Pandt /  
Dem vele gudes kumpt thor hand.  
Vnd he den Armen denne nicht bekand.  
So ys syn Rykedom duel bewand.

De vanger twe Hasen vp eine rīdt /  
Se mener tho denen twen Heren mit flyth.  
He doch malckander entyegen flyth /  
De Adel demsuluen yo vaken entglyth.

Se Narren scholde men werpen mit lungen /  
Se vnnāte braken mūndt vnd tungen.  
Dat sy denn gespraken effte gesungen /  
Se Specht vorreth mit romen syne Jungen.

Se wat vyndet de deith vnsicht /  
Wenn he dat mit sict henne drecht.  
Se dith so sehr geringe wecht /



De D'uel en dat ynbleft vnd secht/  
 De handt de by dem wege stetth/  
 Wyset de strate de se suluen nicht gheft/  
 Gelick ys ein Lerer tho leren bereidt/  
 De dōgede lert/vnd suluen nicht en deitth/  
 De synen sin thor wyssheit kert/  
 Alleridit se hört vnd ock lert.  
 De dōgede werden an em gemehert/  
 Vnd wert yn ewicheit gechet/  
 Christus de rechte David vberwan/  
 Den Satan den vnghehären man.  
 In armode vnder dem Crāge groth/  
 Also he daran hangede nacket vnd bloth/  
 Wo David an Swardt nedder sloech/  
 Goliath de Speth vnd Harnisch droech/  
 Se Hosprincken hōden an der Sinnen/  
 Water geten yn einen vullen Bornen.  
 Vnd bewaren eines vntūchtigen wyues eht/  
 Beter dat de nicht gebaren weht.  
 Frouw Helena dorch er prangen/  
 Wardt van Paris geweldich gefangen.  
 Vnd wardt geuort yn frōmde Lande/  
 Hochsart brachre se beide yn laster vnd schande/  
 Se alletyd so vele sorge hat/  
 De em nicht alle tho drengen stāt/  
 He sorget dat he ganz baruoet ghāt/  
 Godanem Narren ys selden Rādt.  
 Wol nicht de rechten kunst studeret/  
 Vnd na der Schrift sich nicht regert.  
 Wat vnnūtte ys/ he dat gern leret.  
 Des sinn ys mehr wenn halff vorkeret/  
 Scholde Godt syn werck also maken/  
 Dat he vnsen willen scholde raken.  
 Tho velen tyden vnd sehr vaken/  
 Ginge ydt d'uel yn allen saken.  
 Wol predigen moeth vnd hefft nen schyn/

Demoth van den Tyrannen lyden groten trogh/  
 Gartho settet an en de rasende pōuel/  
 Vnd dūer allen murwillen vnd wreuel/  
 Wol vp sine frānichheit holdt allein/  
 Dem nemandt gudt ys yn der gemein.  
 Vnd ordelt yederman vurein/  
 De stoht sich vaken an den stein.  
 Wor de Richter schencket Beer edder Wyn/  
 Vnd de Anaken houwer Heren des Rades syn.  
 Vnd wor de Becker suluen settet dat Brodt/  
 Vnd de Buren de Metre doth.  
 Aldar lydt grothe nodt de arme Gemene/  
 Ich Godt help dem armode denne.  
 Demoth vorswinden gelick dem Kaue/  
 De dat sprickt Cras Cras also ein Raue.  
 Brūket hūel desse tidt/dede ys Gades gauel/  
 De blifft ein Narre/went tho dem Graue.  
 De wasschet den Teyelsteen wol tho degen/  
 De syne Frouwe wachtet yn allen wegen.  
 De water yn den Borne wil dregen/  
 De Houwsprincken wardt he vor den Regen.  
 Se dorch syne Vinger sehen kan/  
 Vnd leth syn Wyff einem andern Man.  
 Se hefft de Narren Kappe mede an/  
 Se Raete lachet/de de Mūs suth ghan.  
 Leue nicht schuwe de Sūnde/  
 Bōshheit wert gespōrt yn Gades Frīnde/  
 So wy in Adam all synt gestoruen/  
 Hefft Christ dat Leuendt vns wedder woruen/  
 Wultu rein syn der Sūnden vnslath/  
 Sh yn deffer Slangen anlath.  
 Am Jordan Christus ys Gedōpet/  
 Darinne hefft aller Sūnde erspēt.  
 Christus van Marien ys gebaren/  
 Shs wera wy allesampt vorlaren.



Si dy vor vnd schuwe/  
 De diuinel leth nemandt rouwen:  
 Schichte dy des diuuels list/  
 Eist he ein schynende Engel ys.  
 Mennigen dinctet he were wittich gernet/  
 Vnd ys doch ein Goss byt also verne.  
 Sen he nene vornustt eiste rucht wil leren/  
 Se wil der Narrenkappen nicht entberen.  
 Se stedes den Esel stöth mit sporen/  
 Vnd rücket ein vaken/beth vp de Oren.  
 Syn rydent ys seyl/vnd vaken vorlaren/  
 Hastigen tören/streith wol tho einem Goren.  
 Worde Klocke van Ledder ys/  
 Vnd de A lepel ein Vostert ys.  
 Se Klandt nicht verne gehöret ys/  
 Mit meile alle münde tho stoppen ys vnwyß.  
 Se Vögel vnd Hunde yn de Aercken vort/  
 Sar mennich Minsche den denst Gades hört.  
 Predcke/Misse vnd Lesen vorstört/  
 Mandt de gröfsten Narren de sulueste hört.  
 Nu synt de haluen Narren geuaten/  
 In Schepen/Wagen/ Sleden vnd Karen.  
 Nu möchen sich ock de andern waren/  
 Se volgen nu na ein deel by paren.  
 Se byt mit dorheit vmmegheit/  
 Vnd ys nicht thom guden bereidt.  
 Se vorsumet den wech thor salicheit/  
 Sar wil em rāwen yn ewicheit.  
 Wenn de Oldern yn vntucht leuen/  
 Vnde vp ere Kinder nicht mercken euen.  
 Wenn se ene quade Exempel geuen/  
 Se kinder sich den jegen dögeden streuen.  
 Mennich wil syn ein Roepman ock/  
 Vnd maket syn Keenschoep alse ein gock.  
 De wil nicht lange ein Roepman syn/  
 De vele vthgiffet vnd nimpt nicht yn.

Se mit der wahr vnd münste vmmegheit/  
 Se he nicht kendet vnd nicht vorsteit.  
 Des Roepenschoep gang draede vorwindt/  
 Se mehr lohns vthgiffet alse he windt.  
 Men kan nu nicht vorköpen mehr/  
 Men hebbe den Godt verswaren sehr.  
 Köfft men de ware yn/so swert men vele/  
 Men schender da wahr/vnd vindet ere schele.  
 Wen he nu wedder vthuork offt thom lesten/  
 So schwert he noch mer ydt sy vambesten.  
 Dar by ys tho merken/dar yn all dem Lande/  
 Vele Narren syn/ya ock menniger hande.  
 Wenn dyne kinder van dy hebben gehort/  
 Floeck/schwerent/vnd vntschrige word.  
 Vnd deist vor en all dar du wult/  
 Amen se denne rho valle/dar ys dyn schuldt.  
 Du plantest darin de dinge vntrein/  
 Darumme du vaken ere schande most seen.  
 Se synt dy beuaten vor ein swar pandt/  
 Godt wil se effchen van dyner handt.  
 De heimlicheit nicht swygen kan/  
 Sinen anslach bringet einem andern an.  
 Dar em nen gudt mach kamen van/  
 Dat mach wol syn ein vnwyß Man.  
 De vorreth syne Jöger/ock vaken syn Lyff/  
 De vimme geldes willen nimpt ein Wyff.  
 Kader/Schelden/Zädt vnd Kyff/  
 Se willen wesen syn ridmordryff.  
 Wenn de Sack pipe/ströwde vnd fortwile giffet/  
 Luren vnd Harpen/vnd lere de Schryfft.  
 Vorachtet he vnd van sich schryfft/  
 Desulue ein Narre wol stedes bliffet.  
 Se sich Aestodie nemet an/  
 Vnd doch nen gebreck helen kan.  
 Sar ys ein guder Gökelman/  
 Sein gehöret dre Kappen tho hebben.



So grote geweldt vp Erden nā quam/  
De nicht yn korter tīdt ein ende nam.  
Vnd mōste ynt leste liggē laim.  
Wen dat līckeradt rūdt vmmē quam.

Selbsschen wil eines andern vāt/  
Vnd kamen synem egen nicht tho stāt  
So lange sdt wert altho vngēhāt/  
Dem suluen ys de wyssheit dāt.

Wē voder dat perdt einer andern **Narr**  
Vnd vorgith syn egen/de ys ein **Narr**.

Hans erzels ohr ein Geselle was/  
Se sach gerne yn des speygels glāss.  
He behagede sīck suluen vp alle pass/  
So der **Narren** bry gekaket was.

Ich holde ock de vor **Narren** gangt/  
De frōwde vnd lust hebben yn dem dang.  
Bestuuen ere Bene wente an den **Buck**/  
Sprīck herumme her vīsternack.  
Vnde mākē yn allen wīckeln stoff/  
Der Gēckerie willen se hebben loff.  
Ein ysēlīck merckē vnd wol betracht/  
Se Dāuel hefft den dang bedacht.  
So he de Jōden reizede an/  
Dat se dat **Kalff** scholden beden an.  
Dat se vmmē dāngeden Gade tho ho.  
Sēngelīken noch alle dāngers don.

Idt ys geschē yn dem **Meydeborgeschē sticht**  
Tho Colbekewardt ein dang angericht.  
In dem hīlgen auende Christus gebordt/  
Ein heel Jar dāngeden se jāmmier vort.  
Van vōfftein **Frouwen** vnd achten **Mans**/  
Vp Sānte **Magnus** **Kerckhoff** schag de dang.  
Ior geschach ock tho **Traiectin**/vp der **Mase**/  
Erlīke **Narrinnen** vnd ander dwāse.  
Dāngeden vp einer **Brūggen** sehr vāst/  
De **Brūgge** brack entwey mit der hāst.

**Two**

Two hundert menschen bleuen dar dodt/  
Vordrucket sus yn sehr bitter nott.

Nichtes was so hoch vnd groth gebarn/  
Dat nicht endtlich des gēlīckes Thorn.  
Vnderdrücken vnd schloch ganz dall/  
Yo hōger **Boem**/yo swarer vall.

Wol des nachtes vp der **Garzen** gheit/  
Vnd vp der **Luten** vnd **Trummen** sleyt.  
Vnd dar ock synen flyth tho deith/  
De ys de **Ape** van **Kypenscheit**.

Schalcks **Narren** synt den **Heren** leeff/  
Vnd stelen mehr den ein ander deeff.  
Se synt mit eren practiken geswīnde/  
Vnd ys em vnnūtze **Hoff** gesīnde.

Mennich wil gerne **Ryden** fro/  
Trachtet sehr dat he den willen do.  
Der **Frouwen**/der ein deel mede geraden also/  
Vnd laten dem **Esel** nene rouw.

De vāken der werlt wil vmmē meten/  
Vnde wil alle **Landē** vnd **Stede** weten.  
Vnd doch sīck suluen deith vorgeten/  
De grīft vāken etnem **Narren** ethen.

Wol nicht ein **Narre** heten wil/  
Vnd gheit doch yn dat **Narren** spyl.  
Vnd brūket alletīdt der dorheit vyll/  
De mach wol syn ein **grauer** kyl.  
Isundes noch veel der **Narren** synt/  
De lyden wol dat men se bindt.

Vnd laten sīck dat vell affuillen/  
Dith don se all vmmē **Gades** willen.  
Laten sīck ein **Sundenel** rīcken ynt best/  
Dar nemen se denne geldt vor tho lest.

Edel gesteen ys alse men acht/  
Se hefft auerst noch nenen salich gemacht.  
Ein **Margarit** herh **Gades** wordt/  
**Wol**

**Wol**

**Wol**



Wol dat hefft/dem gheft ydt wol hyr vnd dort.

De yn traechheit den Sommer hen flyth/  
Vnd sammelt nicht yn thor rechter tide.  
Ein weert geweygert/so he biidet mit flyths  
Des Winters wen he künmer lydt.

De stedes gerne kistt/alse ein Kinde/  
De menet de warheit tho maken blindt/  
Desulne sich vaken den Hefeln an bindt/  
Derfuluen Narren gang vele synt.

Wor de Suw de Kronen drecht/  
Vnd wör de Narre sitt yn dem recht.  
Schendige wörde vnd geberde vinge wecht/  
Darsuluest grossheit bauen wysheit wecht.

Ein nye Hilge heth sich Granian/  
Den wil nu vyren yderman.  
Vnde eeren em an allem ordt/  
Mit schendeliken werken/wyse vnd wört.

De synen Söne holdt tho der Lere/  
Vnd dat nicht vmine Gades eere.  
Hedeith ock nicht van andacht/  
Eoder dat he der Seelen heyl hebbe acht.  
Men dat he möge maken einen Hern/  
De all syne Sösters möge ernern.  
Vnd dat em syn leuendt nicht werde suhr/  
Alsus wil nu ein yglyck Bwr.

Sunderliken vor sich hebben einen papens  
Wol armodt wol behusen kan/  
Den holde id vor einen ryken Man.  
Armodt dem herten stede giff/  
Zykedom yn grothen sorgen licht.

Wol dar recht sehen wil dat ydt recht drepe/  
Despanned den Wagen yn den rechten knepe.  
Vnde holde ock den rechten grepe/  
Anders schüth he hen thom Narren schepe.

Veel Narren syn yn groten bedrücken/  
Vnd synt behafft mit bösen nicken.

Vnd

Vnd synt Doren yn velen stücken/  
De möthen vnder den Efel rücken.

Wo du vor einen wilt bürge syn/  
So make vorhen de refunge dyn.  
Du most de Schuld betalen don/  
Dancke Godt/so du kumpst ledvch darvon.

De Hochfart kumpt vam Däuel her/  
Dorch Hochfart vell der Lucifer.  
Vam Hemmel heraff beth yn de Hell/  
Dorch Hochfart werstu syn Gesell.

Seber/Siechdagen vnd de Kiden/  
Maken dy Godt flytrich bidden.  
Dat du velicht sonst wordest vorgeren/  
Schader dy nicht/solcke Kappen meten.

Bloth bistu vp Erdrtryck kamen/  
Bloth werstu wedder hen gemamen.  
Wat bedröuet dy vorgenslich gewin/  
Du werst nichts nemen mit dy hin.

Lopen maket neuen wysen Man/  
Wente dat ock wol ein Efel kan.  
Wy lopen alle hen by dat graff/  
Wol dar löpt/de seche dat teel recht aff.

Messen/singen/schryen vnd lesen/  
Saluen/Schmeren vnd dergeliken wesen.  
Maket nicht strom wiltu Geistlich syn/  
Leue Godt/vnd dele mit dem Armen dat dyn.

De Gyz vele snels bringe/  
De dorch dar Erdrick vnd Selsen dringt.  
Tho soken Ery/dorch manlige wege/  
Darmit men des Lynes wollust plege.

Bringt dy dyn Frouwe vele Syradt guds/  
Dat wert bedröuen dynen modt.  
Denn se wert Frouw/vnd du er Knecht/  
Dyn dienst gefelt er selden recht.

Wol dat hefft ein böse Wyff/  
Z q

De



De hefft dat Segeſſur an ſynem Lyff.  
 Ze hebbe geduldt yn ſoldker pyn/  
 Beth he ſteruet/ydt mach nicht anders ſyn.  
 Werdt dy dyne Neringe hardt vnd ſuer/  
 So gedencke wo dat de erſte Buer.  
 Mit ſynem vnghehorſam hefft vorſchuldt/  
 Darum ſo lyde ydt mit geduldt.  
 Wenn Schreiners vnd Rütters greppen an/  
 Ein Ryken ſlichten Bures Man.  
 De moth de leuere gegeten han/  
 Ja ſcholde he ock ganz wörge daran.  
 Der Schreiners vnd Glyſners ſynt nu veel/  
 De ygt dryuen willen Rüter ſpeel.  
 Vnd erneren ſich knap vor der Sandt/  
 Gelick alſe de reysige Knechte vp dem Landt.  
 Ydt ys warlick yn deſſem Lande/  
 Eine ſunderlike grote ſchande.  
 Dat men de Strate nicht leth bewaren/  
 Dat Roepſide vnd Reysige Mans ſeker waren.  
 De all ſyn troſt ſett vp Geldt/  
 Vnd ydt vor dat beſte heldt.  
 Men dinck ock dat banen ſtelt/  
 In dem wert nartheit groff vormeldt.  
 Wer Luſtgarden hebben wil/  
 Dem bringen ſe der freuuden vyl.  
 Doch reizen ſe des Miſchen gemödt/  
 By luſt/wert künſcheit önel behödt.  
 Vele angſt vnd ſorge by leue wanet/  
 Wol ſyner eere nicht vorſchonet.  
 De geue ſich yn Frouw Venus ſpeel/  
 So vindet he leues vnd leides veel.  
 Wol Lyff vnd gude dem Meer vortruwet/  
 Deſulue vpt Sandt ſyne waninge buwet.  
 Schlags alles yn de ſchanz/ydt ſy all hin/  
 Wat wedder kumpt/ys dyn gewin.  
 Moder leue vnd truwe.

ys

Ys alle dage nyet  
 Men ſecht/dat hopen vnd harten/  
 Maeken vele Lide tho Narren.  
 Lange hopen/lange ſchmerre/  
 Yn hopen werdt bedrönet dat herte.  
 Ick hebe by my vaken gelacht/  
 Dat Alkemye neuen ryck macht.  
 Noch vyndet men einen dullen Anapen/  
 De dar mit vortert ſyn gude vnd hauen.  
 Ys dy dyne Brudt geſpraken aff/  
 Hebben en groten yamer daraff.  
 Beſſtu gerne wee vnd Flage/  
 Dat bekameſtu wol alle dage.  
 Ydt ys nicht nye/ſunder by den olden/  
 Vele thoſeggen vnd weinich holden.  
 Soldt vorluſt nicht Klagen moſt/  
 Velichte du ydt ock einem andern doſt.  
 Ys dy dyn gude ym Meere genamen/  
 Sy froe/dar du darvan biſt gekomen.  
 Der Seelen Schipbruck du beklage/  
 Gude kan men gewinnen alle dage.  
 Beſſtu vele ſchorne an dynem Lyff/  
 Ys beter denn ein böſes Wyff.  
 De ſchorne ſreten dy de hude/  
 Ein böſe wyff vorſalter dy dat frude.  
 All dat dat Leuendt yu gewan/  
 Dat wil de Dode all nedder ſlan.  
 Ze ſchonet nene yöget noch Eddelman/  
 So hefft he velen byr vörge dan.  
 De lange yn ſynen Sünden ſteith/  
 Vnd dencket nicht vp Gades gerechticheit.  
 Fröchet nicht Godt wat he ock deith/  
 Ein ſnelle vntidich Dode ſodanen gern ſteit.  
 Godt ſendet vp vns ſtraffe vnd plage/  
 Ze ys vns dat ſchuldich alle dage.  
 Wente wy wegen nicht mit rechter wage. Vnd



Vnd leuen nicht na synem bahage!

De synen Ezel tho Marckede drifft/

Den saluen vmmen ein Sackpipen giff.

De weith nene wysheit effte Schrifft.

De nicht synen Vader vnd Moder ehrt/

Dar Godt doch saluen bûch vnd lert.

De ys nicht vele Lones gewerd /

Vnd ys yn narheit gang vorkert.

De Hochferdich ys vnd leth sich lauen /

Vnd wil ock gerne sitten bauen.

Dem sitt de Dânel vp synem klauen /

Vnd moth dartho yn sinen aen.

De vp wofer setter syn heyl /

Dem ys syne Seele gang wol weyl.

Vnd hefft mit Gade nenen deel /

De ys des Dâuels gang vnd heel.

Tho der Kercken ein ysalich schal ghan /

Van Sûnden vnd arbeide gang afftan.

An dem Vyrdaye beide Frouwen vnd Man /

Veel Gecke vnd Narren holden hyr nicht van.

Swyge/lyde vnd vordrage.

Dyn herreleidt nicht alle man klage.

An Godt ock nicht vortrage /

Godt giff vnd helper alle dage.

O Godt wo ys vordoruen alle Werlt /

Wo stark licht Ontrop tho Veldt.

Wo harde licht Gerechticheit gefangen /

Wo sehere dâth Vngerechticheit prangen.

Par licht yn Frankheit sehr /

Iustitia vinder men isunt nicht mehr.

Lex ys nu worden aueral blindt /

Honorint allem gradt vorswîndt.

Clerici bôse Exempel geuen /

Populus deith ock dar na leuen.

Tho Ipenbarge wanen der Bôrgers vele.

Ere sake ys gelick dem Ipen/pele.

Scho

Schôlen se wat schaffen/mâken effte besen /

Ja dat moth all an dem Vyrdaye scheen.

Vele sake werden dar gegrepen an /

Dem einen moth men syn perdt besen.

Edder sus mit em them Narrenbarge ghan /

Dem anderen knôpen nyen an.

Edder sâs ein Narrenkledt prôuen tho.

Ydt sy denn Wammes / Hasen edder Scho.

Trachheit vyndt men yn allen geschlechten /

Vor vth yn Denstmege den vnd Anechte n.

Desse hôren nicht manck de Gerechticheit /

Ydt behôrde sich anders/wen se ydt bedechten.

Nen beter Narre ys in aller sake /

Nen de sich alletydt deith gudt gemake.

Vnd ys so trach / dat he sich vordrendt /

Syne Schenebene / chr he sich vmmewend.

De trâge Minsche ys nemande nêrte /

Denn dat he sy eine Beerbarte.

Vnd dat men en late slapen lange genoech /

Sitten by dem Auen / ys syn genoech.

Dem arbeides Manne volget salichheit /

Dem leddichgenger volget alle leydt.

Den leddichgenger straffet Godt de **S L X X** /

Vnd giff dem Arbeiter lohn vnd ehr.

Der Leddichgengers nimpt de Dânel wat /

Vnd seyet syn Sâdt gerne dar.

Nen gut wasser gern yn des trâgen Fuß /

Nen dreck / schorff / Flôye vnd Luft.

Dith sint des trâgen dâd / likes Geste /

Ich weith nicht / welker van dessen sy de bester

Ein trach Narre is nicht vele werd /

Ja selden wisschet he synen steert.

Dem vulen edder vnlistigen doren /

Den eihen de Lâse aff de Oren.

Wiltu dyn Fuß beholden suer /

So



So hōdt dy vor Mōnnikepapen vnd Duuen /  
Olde Apen / Junge papen vnd wilde Beren /  
Schal nemandt yn syn Ruff begeren.

Och Duler du elende Deet /  
Wenn wiltu wittich werden schier.  
Du maect dy suluen angst vnd pyn /  
Jdt mōchte erbarmen ein steen.  
Ein Marteler bistu tho aller frist /  
Du schēst leue / dar doch nene ys.

By groten Māltiden vnd pandkateren /  
Deith menniger schām vnd rucht vorleren.  
Denn selden wert van dōger geredt /  
Am vullen disch / ydt sy den gespōtt.

Wol rouwe wil hebben allhyr op Erden /  
De mach dort wol vnrouwich werden.  
Wiltu by Christo sāmmer syn /  
Schicke dy ydt moth gecrūziget syn.

De gewinnet de Sūnde / vnd vorleset de tīdt /  
De stedes vp dem spele lyth.

Schalckes Narren synt den Heren leeff /  
Doch stelen se mehr den andere Deeff.  
Se synt mit eren practiken geschwinde /  
Vnd ys ein vnnutte Hoffgesinde.

De tydt de du vorlāst mit yagen /  
De werstu noch mit schmerzen klagen.  
Wat buwest du yn den fels henyn /  
De du vor dem Dode nicht mōgest seker syn.

Wat berhōmestu dy der Tittel groth /  
Vnd bist an den rechten kāsten bloth.  
Einer ys geleert / deme gene ick ehr /  
Van welkerem kumpt alle werdicheit her.

Men sprickt / lange tho haue lange yn der Hēlo  
Wol synem geweten raden wille. (le.  
De siege den Hoff / dat ys myn rādt /  
Wente Heren truwe yn twyuel stāt.  
Ryck willen syn / vnd dartho gerecht /

Dat rymet sīck alse schlin vnd schlecht /  
Gahet ein Camel dorch dat Natel dree /  
So wert de Ryke ym Hemmel ein here.  
De Duuen / Hanen vnd de Hennen /  
Beschyten dat Sack / tho kragen de Tennen.  
Kindt Kindes Kinder veel /  
De helpen dy balde thom teel.  
Vnd laten dy nīctes ynt Ruff /  
Wat nīcht wil ghan / dregen se hennuff.

O Rome do dy ein Kōnīck plach tho regeren /  
Werestu egen / yn mennigen maneren.  
Darna wōdestu yn Fryheit geehret /  
Van einem gemeinem Rade regeret.  
Auerst / do men nach Hochsarde sīck stelde /  
Na Rykedom / vnd na groter Gewelde.  
Vnd Bōrger wedder Bōrger vacht /  
Vp dat Gemene beste / hadde nemandt acht.  
So wardt de geweldt ein deel vorghan /  
Thom lesten einem Keyser vnderdan.  
Vnd yn soldet geweldt vnd schyn /  
Bistu vōffsteim hundert Jar gesyn.  
Vnd stedes genamen aff vnd van /  
Gelick wo sīck mynneren doith de Mān.  
So de Mān sīck mynnert vnd affbrickt /  
So ys dīne Gewaldt tho minneringe geschickt.  
Wolde Godt dat du ock grōtedest dīck /  
Vnd werst ock so dem Māne gelick.

De nu kan stryken dat vale perdt /  
De ys tho haue leeff vnde werdt.  
Wente sodane men dar begert /  
Vnd wert van velen Narren geehret.  
Elike menen / de Billige dacht sy erdacht /  
Dat Godt klein arbeit nīch en acht.  
Dat men holdt Bredtspeel vnd Briccken slach /  
Vnd sāt so tho Karten einen gangen dach.



Dat Vale Pert se stricken vnd leyden /  
 Ere wörde können se so bereiden.  
 De lesten fedderen / de stricken plumen /  
 Vnd vören dat speel sās op den Dumen.  
 De leefft kofet / de runet heimlick yn den oren /  
 Dorch sodane wert mennige sake vorworen.  
 Den men seldom tho rechte kan klaren /  
 Sus kumpt mannich voort yn korten Jaren.  
 Dat he sich Teller lieker ernert /  
 Mennich dorch legen wert ein Herr.  
 De de Rūyken effte Vlen stricken kan /  
 Vnd mit dem valen perde vmineghen.  
 De wert tho haue wol geehrt /  
 Erbarheit men dar nicht begert.  
 Set schal men recht also vorstan /  
 Tho haue ys ock mennich framer Man.  
 Men de werden so nicht vorgetragen /  
 Also de mit dem valen perde plögen.  
 Se können de Wulle vnderstrowwen /  
 Sen Heren sus de Regel flouwen.  
 Wol am Elenen vnsparliken ys /  
 Mach werden ryck tho nener frist.  
 Ior geldet yzandt nictes den geldt vnd gude /  
 Dat giffet / eht / gunst vnd hogen modt.  
 Ior giffet ock der frundschoep veel /  
 Mit dem Arnen schilt men thom teel.  
 Ein Wyff so gerne van Wyffheit höret /  
 De wert nicht balde yn schande vorkeret.  
 Des Hertens Oge giffet nen pandt /  
 Ior geith dorch Meer vnd alle Landt.  
 Dorch Hemmel vnd Zelle nedder /  
 Vnd kumpt doch schnelle herwedder.  
 Men vanget wol Wyff vnd Man /  
 Gedanken nemandt vange kan.  
 Se banden möchte nemandt yo eruynden /  
 Se mede men de gedanken möchte binden.

Druncken heit den Arnen maket /  
 Dat he sich vor Ryck achtet.  
 Sen Tzagen maket se hadders vol /  
 Se Stammen maket se reden wol.  
 Dartho spenet ein voller munt /  
 Wat he gedendket yns herten grundt.  
 Ior ys ein teken der lichtferdicheit /  
 Dem alle seggent tho Hertten gheit.  
 Wat desse secht / effte yenne deith /  
 By klaffen ys sekinde de rechte warheit.  
 Meister Jansz ys hyr mit der Alkemy /  
 Ick sette ock van dem Wyne darby.  
 Hans Esels ohr nu frage ick dy /  
 Effte ock grötter beschydt vp Erden sy.  
 Nye vnd oldt menget men thohope /  
 Vnd geldt alleins men yn dem Roke.  
 Ior sy Herind / Hoppe / Zuet edder Krudt /  
 Yodoch moth ydt vor vull ghan vth.  
 Yzlick mit valscheit tho vork spen begert /  
 Nene Kopenschoep steith recht yn syner werdt.  
 Salich ane twyuel ys de Man /  
 Se sich vor valscheit nu hōden kan.  
 Entechristes Gesellen de varen darhen /  
 Ere geselschoep ys groth vnd nicht kleen.  
 Ein yzlick kan nicht tho nouwe thoschen /  
 Se valschen Narren synt de ick meen.  
 Gadelere holdt mennich vor thandt /  
 Vnd varet also yn Slaraffen landt.  
 Se sparen nicht wer See edder Sandt /  
 Wo doch er Rysse ys nictes bewandt.  
 Se Slaraffen synt noch manutger handel /  
 Er Schip quam eins yn deesse Lande.  
 Vnd leith der Narren hyr so vele blyuen /  
 Dat men se nicht wol kan vordryuen.  
 Doch möchte men vp se denne wol denden /



In der Glafsarne/dat Glafs mit en fencken.  
 Wente de Gluraffen synt gerne groue Knodast/  
 Se scholden dat Glafs nedderdricken vast.  
 In Westualen vnd ock yn Sassen/  
 Dar veel Glasse plecht tho wassen.  
 Dar plegen de Megede lude tho singen/  
 Wenn se dat Glafs thor röste bringen.  
 Se plegen dat depe ynt Water tho fencken/  
 Denne möchten se der Gluraffen dencken.  
 Doch scholden se ane hülpe mit nenen dingen/  
 De Gluraffen süs tho Bade bringen.  
 Begünde men etlike so tho döpen/  
 De andern scholden wol balde tho Schepe lopen.  
 Vngenall kumpt mennigem vp de Handt/  
 Hefft doch nenen Baden darna gesandt.  
 Ein Wyseydt beth affwenden kandt/  
 Daruan sprickt hyr Sebastianus Brandt.  
 Ungelücke mennich nicht gernelydt/  
 Vnd ringet dar na alle tydt.  
 Darumme ys nicht wunder dar an/  
 Effte em dat Schip wörde vnderghan.  
 Effte ycht ein vngelücke ys süs klein/  
 So kumpt ydt doch seldom allein.  
 Wente na der olden Spröke vnde sage/  
 Ungelücke vnd dreck wassen alle dage.  
 Men schal ein klein vngelücke affwenden/  
 Vp dat nen grötter süs kame thon Zenden.  
 De ys ein Narre de anders deith/  
 Ein klein nicht lange allene steith.  
 Kumpt dy quadt/wat dat ock sy/  
 Trachte dat ock nen arger kamen dar by.  
 Kanstn so möte dem Klenen gerade/  
 So frycht dat grote nene stede so drade.  
 Ick mende tho hebben de Narren all/  
 Nu vinde ick noch einen groten tall.  
 Nutucht des Diffsches ick setten schal/

Desse

Desse wyse ick hen yn den Kofsal.

Etlike ere Zende wasschen vorgeten/  
 Wenn se tho Diffsche willen ghan ethen.  
 Etlike synt ock van den vnwitten/  
 Se ghan yn sodane stede sitten.  
 Dar ein ander werdiger tho weer.  
 Dem se süs beden klene ehr.  
 Möten vaken lyden wörde vnde bede/  
 Kücke wat nedder tho desser stede.  
 De schande lydet he denn mit recht/  
 Alse de HEE ym Euangelio secht.  
 He ys ein Narre/ya ein grauer Gast/  
 De süs ersten yn de Schottelen tast.  
 Vördert sich suluen erst mit truwen/  
 Vor andern Gesten/Zeren vnd Frouwen.  
 Holdt ydt süs vor groth gelücke/  
 Tastet auer na dem besten stücke.  
 Dat den em vaken vallet dar nedder/  
 Vp dat dischlagen effte vp de Kleder.  
 Dar he sich süs nicht vor en hödde/  
 Freth hastich/vnd sluckt wo ein Rösde.  
 Se mundt he bauen der Schotteln halt/  
 Wat em daruth auer de Lippen valt.  
 Süs nicht kame tho spilbe/  
 Desse höret yn der grauen Narren gylde.  
 Blyfft em vmm de mundt wo weinich ydt sy/  
 Van Vette bekleuen effte van Bry.  
 Wisschet nicht erst syne Molen syn/  
 Drincket so van dem Beer vnd Wyn.  
 Dat dat vette bauen yn dem Beker swimpt/  
 Ein ander dith vor grote walgeringe nimpt.  
 Ydt hefft ock mennich Narre desse wyse/  
 Wenn he yn dem munde konwet de spyse.  
 Drincket denn ock gelick einem Swase/  
 Maket soppen yn dem Beker effte Glase.  
 Kumpt em süs spyse vth dem munde/

Dat



Dat stüth yn dem Becker / effte gheelt tho grunde  
Hostet vnd prustet yn vnuornufft /  
Dat ydt auer spyse vnd gedrencke stufte.  
Pustet vnd bleit ock sus daryn /  
Hesedropel / seuert ock auer den kynn  
Dat kan he nicht so nouwe den maken /  
He wil ock sprek en van velen saken.  
Ja / so wenn he de spyse nütet /  
He spricht / einem andern vnder ogen sprättet.  
Stüth hyr vnd dat vmmen alse de Apen /  
Wo ydt yn den Winkeln ys geschapen .  
Alse ein Swyn smacket he / smack / smack /  
Füllet dem wyle vull den Dreck sack .  
Mit dem munde ein Swyn sus smacket /  
Vntüchtige dinge he spricht vnd snacket.  
He wil vele seggen ya vnnütte wasschen /  
Dat klinget alse Rodreck yn der tasschen .  
Mit slyte deich he sich darhen keren /  
Wo he vele spyse möge vorteren.  
Drincket ock nicht deste myn /  
Negen Quenen töge / ein babbart ys de syn.  
Dat he vor einen Flenen drunck rekent /  
Syn ethent / sittent edder sprekent .  
Leth dessem Narren altes nicht /  
Noch menet sodan ermer wicht .  
Nen an dem disch sy ein gelyck /  
In hönescher tuch: holdt he sich ryck .  
Dat hefft de Geck doch in gelert /  
Vnd ys yn aller tuch vorkert.  
Wenn den de Narre ys druncken vull /  
He schryet alse einer de dar hefft den schynl  
Nan em moth hören ein yeder man /  
Dat he vele brabbeln vnd swagen kan.  
He spricht van springen / vedchten vnd steken /  
Ander leth he nen wordet vthsprecken.  
Leth windt vthghau thor luytern Göt /

Schncket vnd snuctet sus achter vnd vor /  
Achterredet mennigen guden Gefellen /  
Nen ander wyfheit kan he vortellen.  
He ys ein Narre / ya vp myn eyde /  
De by dem dische sich schobbet vnd fleyt:  
Wenn he sich sus beginnet tho schubben /  
Stöth he de sesfötlinge van der Aräbben /  
De he süß darfölnest socht .  
Sodan Narre altes nicht en docht /  
He betastet vaken syn achterport /  
Vnd gript denne thor spyse vort.  
Ein Narre yfiet wenn he wat secht /  
Sich denne vp de Tafelen lecht .  
Mit einem Ellebagen effte twey /  
De Nartheit ys manntigerley.  
Beweget den disch sus ane nodt /  
Süs krycht de Kanne vaken einen stoth.  
Röse vnd glesse vallen vmmen /  
Se Narre nimpt sus vele rume:  
So ick dat recht mercken kan /  
Twe ander lethten sich wol nögen daran.

Dat ys ock ein Narre de herh Smuddepott /  
De sitt by dem dische alse ein soth .  
Keine tucht he nicht gelet /  
Dat Brodt he saluet vnd besmert.  
De Bekere / Stöpe effte wat ydt sy /  
Mit sinuzigen senden / van vette Bry.  
Etlike sich by dem dische bewysen /  
Vnd sich an grote drüncke prysen.  
Einen fründtliken drunck dem andern tho /  
Süpt grote töge / ya alse ein Ro .  
Desser disch Narren ys so vyl /  
Ick se hyr all nicht setten wil.  
Wenn ick doch desse Narren alle kende /  
So wördet eine sehr lange Legende.  
De Schipper kan se ein mal nicht vören /

Alle



Alle de yn desse Nartheit hören :

Jot ys wyshheit by Jungen vnd Olden /  
Se alle Man kan tho schände holden.  
Sis behört my ock flytich tho trachten /  
Dat my de Frouwen nicht vorachten.  
Möchten hyr menen/se weren vorgeten /  
Dat ic se nicht hyr mede worde setten.  
Synt Vastelauendes Narren erlike Mäns /  
Also synt nu ock heel vnd ganz.

Ja erlike Vastelauendes Narrinnen /  
Desse gelike ic der Apen effte Apinuen.  
Wente dat alletydt so geschüth /  
Na Apen/Spinne/cin ysglick süth.  
Wil ic bliuen yn der Frouwen gunst /  
So moth ic brüken list vnd kunst.  
Were by my de vorfimenisse scheen /  
So hedder ic my groth vorsehen.

Jot ys best/dar ic se nicht vorgete /  
Se ock hyr yn den Vastelauendr sette.

Wat groter sorge se darumme dregen /  
Allhyr vnd ock ein ander wegen.

Wo se sich willen vp putzen ynt beste /  
Tho dem grothen Vastelauendes Feste.  
Vp dat ein yeder se möge angapen /

Als men süch an Spinne vnde Apen :

Dar kamen den sis vele Narren thor stede /

Tho sehende der Narren vnd Narrinnen trede.

Wist se den Narren trede maken recht /

Dar kumpt de Mager vnde ock de Anecht :

Frouwe Gysel/Bartke vnd Gretke /

Barrineke/Jürcke vnd Angnetke.

Clawes/Kunze vnd Henselyn /

Ock de dögenthaffrige syne Gesell Koppyn :

Eine Narrinne der anderen wyltlick deyth /

In der Kercken wil ic yw seggen bescheidt :

Kercken noch Sestdage schonen se nicht /

Dar moth ydt syn alle vthgericht.

Van Klenöden/gyringe heel vnd ganz /

Ock van dem Vastelauendes Narren ganz.

Sür Hebel van Talcken einen Nien vundt /

Ja wolde de ock kossen so mennich pundt.

Den wil se ock hebben/vnd wat wesen /

Gyramme moth se de Kamerlectien lesen.

De se sis leß dem Narren erem Man /

De vor der Narrinnen nicht slapen kan :

Se sprickt se hebbe veel Brudtschattes gebracht /

Desse Lectie waret de halue Nacht / etc.

Men dencket nu nicht mynes Vaders döget /

De gyrigen Schelcke/werden nu vorhöget.

Egennüt vnd gewin/men nu betracht /

Recht vnd wyshheit/men nu kleine acht.

Wor ein Bwr wert ein Gere /

Dar gheit ydt auer de armen sehre.

Trycht he denne grothe macht /

So weth he suluen nicht na weme he slacht.

Dencket nicht van wem he sy gekamen /

Men syn egen vordeel vnd framen.

Dat gheit vort yn all erem spele /

Desse synt by dem Regimente vele.

Sodane hören ock nemandes bede /

Dar volgen den de Grauen mede /

Ere meintinge ys meist/bringet men her /

Dith ynt erste/vnd den noch mehr.

Besser gyrigen Walue ys nu vele /

De prysen vor sich de beste Morsele.

Bönden se reddden mit kleinen saken /

Dat gemene best/se möchten nicht rafen :

Wol hyr siren wil vnd raden /

De schal syn van eheliken daden.

Bedeckich still vnd vorschwegen /

Vnd alle sake na nodtorff erwegen.



Ock sanfftmdich/gütdich vnd mildt/  
Syd räderlach nicht gütdünckel edder wildt.  
Vnd swygen beih men en deith fregen/  
Alle den / yne meninge darup seggen.  
Vnd stedes reden tho rechten ban/  
Vnd daryn eigen nütt nicht sehen an.  
Sunder dem rechten na trachten/  
Vnd eines andern rädte nicht vorachten.  
Vnd wat he nicht vorbetern kan/  
Schal he einen andern vegefekert lan.  
Ock nicht vnderdrücken den armen/  
So wert sich Godt syner erbarmen.  
Syranne geschürt des Försten gefallen/  
So secht Syrach am ersten vnd yn allen.  
Warheit tho spreken/möste gy vaken sparen/  
Istet dar ghy wol willen varen.  
De de warheit alle tydt spreken wil/  
Moth ock lyden vornolginge vyl.  
Ock moth he vaken buten stan/  
Wenn de andern yn de Herberge ghan.  
Ein stolzer Pape/ein junger Ape/  
Ein vnnorschämte Wyff vnd Kindt/  
Des synt des 2. buchs 1. Hoffg. 1. ndt.  
Eines Minschen wordet ys nicht gesecht/  
Hör des andern wordet vnd do recht.  
Godt de H. L. ein rechtserdich Richter ys/  
Werdet kamen tho richten des löue gewyß.  
Wes willich vnd demöddige dich/  
Vnd mit gedulde vele auersich.  
Nim an tho dancke wat men dy doth/  
Darsulue briaget dy ehr vnd gudt.  
N. dyner lehr holde ick my wol/  
Nod. weth ick nicht wat ick don schol.  
Dat ick ock möste werden ryke/  
Segge my wo ick darsulue erlyke.  
Holtet truwe vnd gelouen dat ys myn rädte/

Wat du redest dat holdt mit der dādte/  
Wenn du also losswerdich bist/  
So werstu ryke yn forter frust.  
Vader myn/ryke bin ick schon/  
Wat my geuelt mach ick wol don.  
Ick hebbe gudes genoch nu segge mehr/  
Wo auerkame ick gewalot vnd ehr.  
Ach leue Son nach gewalot nicht tracht/  
Wente ehr vnd gewalot wol Hochwart macht.  
Ick warne dy went deystu dath/  
Dy wasset daruth groth nydt vnd hāth.  
Wat sechstu my myn olde Man/  
Ys men my vyendt wat licht daran?  
Wenn ick hebbe gewalot/ehr gudt vnd gelt/  
Nichte ick nicht Fründschop aller Welt.  
Vth nydt kumpt Krych vnd wedderwille/  
Wes du yn dynem herten stille.  
Vnd holdt frede mit yderman/  
So bliffet beide gudt vnd ehr bestan.  
Ick hebbe des guden mehr den genoch/  
Velichte so vinde ick etwan genoch.  
Dat ick erlange groth loss vnd pryß/  
Ick volge dy nicht du olde gryß.  
Hödt dy vor Krych/Krych ys nicht gudt/  
Hödt dy vor Krych vnd auermodt.  
Vor Krygent do dy wol bewaren/  
Dorch Krygent werstu yn armodt varen.  
Den guden rädte hebbe ick voracht/  
Darum bin ick wedder gemacht.  
Ein Sudeler wo ick tho voren was/  
Dartho brochte my Krych/nidt vnd hāth.  
Frede ys tho allen dingen gudt/  
Wor den yderman holden doth.  
Dar wert kleyn gudt wol dyen/  
De Auerticheit nichtet vornynen.



Besitten etwes vele beter ys/  
 Denn nixtens hebben tho aller frist.  
 Leeff hebben were my vaken bescheret/  
 Geldt vthgeuen hefft ydt my erweret.  
 Holde de Borst warm/  
 Vnd guth nicht tho veel yn den Darm.  
 Rucke dem Ketterlin nicht tho nahe/  
 Wiltu werden oldt vnd grawe.  
 Arstedye ane regiment vnd metichett/  
 Dat ys haluer vorlaren arbeit.  
 Wol dat wil des morgens nüchtern drincken/  
 Vnd nicht thoudren ethen ein bethgen vann ein  
 Schincken.  
 Vnd des nachtes gan spade yn der Vlenflucht/  
 De fricht tideliken de watersucht.  
 Oh ganz selden küsst de Wolff den Hundt/  
 In rechter trawe vp synen mundt.  
 Dat Lotteren/Dobbelen vnd Spele/  
 Dat Karten/schweren vnd vorteren vele.  
 Vnd vorlegen frouwen vnd Man/  
 Wol dat nu vp Erden nicht kan.  
 De ys yzundt ganz vnwerdt/  
 Dat syner nemandt mehr begerdt.  
 Wol Gade mit ernst vortruwen kan/  
 De bliff ein vnuordoruen Man.  
 Idt törne de Däuel edder de Welt/  
 Den Segen he doch thom latesten behelt.  
 Dat Spel/Berchwerck vnd Alchemey/  
 Sat synt soldker hendel drey.  
 De mennigem eine Kappe don schnyden/  
 Dat Wyff vnd Kindt vaken hanger lyden.  
 In deme Lande schaltu nicht wanen/  
 Dar dyne therunge mehr ys alse dyn ynkamen.  
 Groth flyth vnd möye lechstu vp ein Wyff/  
 Ein ander lecht darup syn Zyff.

Du


Du gheyst Zaueren vor dat Zuf/  
 Eine Kamerloge wert dy heruth.  
 Du hefft einen Schlörtel tho der Dör/  
 Auerst ynne ys de Regel daruör.  
 Vnd tappest vmb yn regen vnd Eath/  
 Vnd beschleppest dy alse ein vnslath.  
 Scholden de nicht alle papen syn/  
 De nicht vorstan dre wordt Latyn.  
 Vnd scholde men de alle vordryuen/  
 Wor wörde dat drāde deel der papen blyuen.  
 Wenn de Däuel tho Hemmel feyrt/  
 Vnd ein Wulff thom Schape wert.  
 So werden pawest vnd Luther eins/  
 Der beiden geschuth yo gewislic keins.  
 Noch wil men veel dar van tracteren/  
 Dat ys Eldtmöye/ vnd tydt vorleren.  
 Blyfft Christus wordt mit eeren bestan/  
 So moth de pawest tho boddem ghan.  
 Kein middel ys tho vynden dye/  
 Wat maken wy denn mit vnser möy.  
 Veel reden ys nemande gude/ Audi, vide, tace.  
 Vorwar wol dat nicht doth/ Raro viuut in pace.  
 Dat swygent ys dyn heyl/ Donec interrogaris.  
 Wat du west/des segge ein deyl/ Si pacem quæris.  
 De valsche tunge brickt bein/ Et caret osse.  
 Also deith ein wörtlyn Klein. Hoc verbū recog-  
 (nosce.

## Besluth.

Idt weth nicht wo ydt yn der Welt steth/  
 Dat allent so vorkert tho rügge gheit.  
 Vnrucht/lögen/falscheit regert auerall/  
 Gade sy ydt geklaget tho dusent mal.

£ 17 D £.







Shitt  
2 251



